

四庫全書

史部

欽定四庫全書

硃批諭旨卷三
史部

臣永瑢恭校

編修臣裴謙覆勘

總校官中書臣朱鈐

校對官庶吉士臣張九鐔

謄錄監生臣朱連傑

欽定四庫全書

硃批諭旨卷三

硃批楊名時奏摺

雍正元年二月初二日雲南巡撫臣楊名時謹

奏請

皇上聖安

朕安爾向日在官歷任有聲朕所稔悉自茲益當加勉

吳移初志

雍正元年五月十一日雲南巡撫臣楊名時謹

奏為恭報雲南夏熟收成仰慰

聖心事

臣

看得雲省一春天氣晴和時有雨澤二麥蠶

豆俱各茂盛四月中至五月初旬民間逐漸收割
共稱豐稔今正在望雨插秧又屢得甘澍灌注溝
塍低平之區栽蒔將遍其高坡山地土脉滋潤亦
在以次種植據布政使查報兩迤各府夏熟通計
約有九分收成與臣訪聞無異至省城米價每一

京石上米一兩一錢次米一兩五六分其餘各府
米價每石或有一兩之處亦有不及一兩之處理

合據實奏

聞謹

奏

覽所奏雨水米價情形朕懷遙慰往復萬里惟憑一紙
摺奏凡事實陳不宜稍為粉飾也

雍正元年七月初六日雲南巡撫

臣楊名時謹

奏為

奏明事竊臣於康熙六十年正月蒙

聖祖仁皇帝實授為雲南巡撫所有一切規禮銀臣一無

收取其銅廠之息銅捐納之羨餘季規羨米及諸

陋弊俱行嚴絕又向來運送兵米折取腳價深為

民害糧道輕齎銀兩一項逐層扣剋更為民累臣

俱嚴加禁革昆明縣向設五塘僉立頭人一應公

事按糧派銀每石至三四兩不等臣盡革頭人按

糧均徭民糧一石止出銀四錢屯糧一石止出銀
二錢民咸歡悅各州縣之民聞之共赴臣衙門求
為立法均徭臣一一詳為酌定濫派清除自臣及
司道以下修理備辦等事悉發現銀毫無派擾所
有鹽規銀五萬二千兩除留為恤竈修井銀六千
兩外其四萬六千兩臣為供用之需又藩司平規
四千兩通省稅規七千兩連鹽規共有五萬餘兩
係臣衙門目前所入之數也查銀廠缺課每年約

至二三萬兩管廠之官歲罹叅追視為畏途臣於康熙六十年六月內具摺

奏明專委糧道管理以有餘補不足如再有不敷將

督撫衙門舊規墊補全完臣巡撫衙門將所得鹽

規撥補銀廠缺課共一萬五千五百五十餘兩又

捐賠前任督撫運糧倒斃牛馬等項銀一萬五千

兩俱經

題明在案再歷年供應在藏官兵各項軍需賞賚又

賞_臣標兵丁及興修水利賑恤災傷等事併日用
交際一切公私各用皆取此規例銀應辦自抵任
迄今共用銀一十萬兩有零存有底本不敢瀆塵
睿鑒_臣有請者若藏兵既撤之後費用簡省懇乞

聖恩將鹽規等項下准留若干兩與_臣衙門充用其餘
以供廠務及恤竈修井平糶等公用則公私俱有
所資藉矣再_臣標有隨丁糧銀除實丁外每年餘
銀一千五百兩懇乞

聖恩賞留此項以為製造修理旌旗器械之用則邊省

軍容益覺整齊矣謹

奏

朕凡遇督撫此等之奏不但從未批示亦且槩置不覽
取與之際任爾自為但須還朕一是字而已督撫羨餘
豈可限以科則拘以繩墨惟視秉心何如耳取所當取
而不傷乎廉用所當用而不涉於濫固不可朘削以困
民亦不必矯激以沽譽若一切公用犒賞之需至於拮

据窘乏殊失封疆之體非朕意也必使兵民溫飽官弁
豐足督撫司道亦皆饒裕乃朕之所願設此數者有一
不然而督撫先已饒裕即朕不加譴責其如

昭昭湛湛何此事全在爾等揆情度理而行之其是與否
自難逃朕之鑒照可無煩章奏呶呶也今若欲朕命爾
某項當取某項當受則斷無之理爾等責任綦重惟宜
同心協力懋勉政治以安地方庶無忝厥職特諭

同日又

奏為欽承

諭旨恭謝

聖恩凜奉遵行事雍正元年五月二十二日驛鹽道李

衛傳

旨朕在藩邸從不與各官交接況巡撫揚名時係漢人
更不曾識面因聞伊聲名好所以信用朕承

聖祖仁皇帝付託之重無時不以地方民生為念雲南離
京遙遠伊不過耳聞不能深知爾到雲省下旨與督

撫凡地方應行應辦於民有益之事應奏即奏不必
疑懼朕不憚煩勞欽此臣跪聆之下望

闕瞻

天不勝欣躍伏念臣一介愚陋荷蒙

聖祖仁皇帝恩擢雲撫

高天戴德追慕何窮欣逢我

皇上至仁純孝遠邁百王

濬哲文思直追二帝

臨御數月以來政事之美傳播中外實有稱述所不能

盡者

臣身任封疆兢兢職守惟恐才識不逮措置

失宜乃蒙

天語褒勉感愧交集

臣謹披陳愚陋伏乞

睿裁雲省漢夷雜處之區吏治難全以內地之法繩之
察可留者而留之庶乎其可若恐為夷人蔑視之故而
第時加申飭各有司令與民相安而已偶有與土
姑容不肖之員不亦棄本而逐末乎賢愚莫辨貪廉混
官不睦致生告訐者臣必再三察訪恐輕易叅劾
清令夷人非毀竊笑久之至於積愆生釁是乃大傷體
長夷人蔑視官長之心有傷大體愚臣所見未知

也

有當否也州縣虧空莫如

不行叅革而欲令補苴不過仍設法剝民耳

聖諭限三年完補之法為善若一經叅革多歸無著州

可原

縣供應大兵及備辦軍需多有那借庫帑及鹽課

者諒者自應原諒

者不得不為原諒況雲南鹽項錢糧從前虧缺已

久輾轉交代經過數官若專責之現任之員情理

未安查歷來既收規例仍令各竈戶加煎餘鹽反

致正鹽有缺將此加煎之鹽散派於烟戶歷令領

受追比正鹽反致壅滯臣到任後禁止加煎以恤

竈禁止壓派以恤民竈户小民困始漸甦將餘湊所出之鹽查州縣虧欠鹽課之多者令其照額鹽薪本發給竈户收買行銷所得羨餘以之彌補舊

欠自此從前所欠鹽課可就完楚至一應虧空錢有志自新者固所當寬其下愚不移者亦宜叅處數員糧按時漸補各官皆有自新之路再嚴諭司道府以示懲戒

不時稽察以防漏卮似亦清理積逋可行之法也如果巨言可採懇祈

皇上睿鑒

凡此皆爾等分內應為之事朕從何諭
明示遵行謹

奏

覽

雍正元年十月初九日雲南巡撫臣楊名時謹

奏為恭謝

聖誨事竊臣奉到

皇上硃批諭旨敬謹展觀捧讀玩繹悚息之餘不覺神

開意豁昭若發蒙

聖心公溥

皇言正大爰窺

睿學淵深

臣

伏見唐虞洙泗以中字傳心以過不及為

戒帝王聖人諄諄訓迪只求一是字先儒云好名與好利雖有清濁之不同其為私心一也有分辨不苟取謂之廉非以不取為廉

皇上之諭無非經書中精義至教洵臣下可永遵而無
弊者也臣等任封疆者必仰體

聖衷服膺

聖誨不立偏見不矯激沽譽仰體

皇上欲臣民均足之心臣等亦以屬員百姓均足為心
無或偏擁累下方不負

惓惓諄諭至意耳臣不勝歡欣感激凜奉遵行敬具摺
陳

謝謹

奏

朕前諭爾之意謂廉且不可為而況貪乎事事惟公平
真實是務内外上下毫無隔閼偏枯則和氣盈溢於兩
間寧猶慮天下不治乎蒸民不樂業耶我君臣當共勉
之

雍正元年十一月初六日雲南巡撫臣楊名時謹
奏為

奏明事竊臣看得廣南府知府蔡起俊奉

旨陞授湖廣按察使因其知府任內交代遲延未得即

赴新任入秋後又報在省患病今據藩司毛文銓
詳稱病已痊愈廣南府知府交代已清請示給憑
等因到臣查蔡起俊護理驛鹽道任內有情願
認賠銀二萬八千餘兩限於雍正二年十月全完
經臣奏明蒙

聖恩允准在案今廣南之交盤既清且係奉

旨超陞之員臬司關係緊要臣謹

奏明一面令藩司即給憑令其赴任伏乞

睿鑒謹

奏

知道了蔡起俊若非進藏曾効微勞豈能邀朕如此優容遇便寄字勸伊改過自新勉圖上進若仍循故轍禍不旋踵也

雍正二年二月初四日雲南巡撫

臣楊名時謹

奏雍正元年十月初九日

臣具摺恭謝

聖誨蒙

賜硃批諭旨

臣跪誦

天語開示明切無隔閼則不蔽於近不囿於偏虞帝之
明目達聰不是過矣務真實則上以誠感下以誠
應周文之迪知忱恂不是過矣風動太和之治行
可復覩我

皇上以上智之資猶不忘自勉臣中材下士雖竭蹶供
職日懼隕越敢不率循

至教黽勉朝夕以自効於明良極盛之時惟有載賡豈

弟作人之章冀得與於譽髦斯士之列耳

臣不勝

欣悚之至謹

奏

欣可也悚何為朕於修齊治平之術良多遺闕爾等岳牧諸臣若肯直言進諫以匡不逮實朕所樂聞而嘉納者也

同日又

奏為恭承

聖諭祇奉遵行事雍正元年十二月十七日曲尋鎮總

兵官臣楊鯤傳

皇上諭旨到臣跪讀之下不勝悚惕伏見我

皇上御極以來

智臨無外

明作有功

念切於察吏安民

化捷於風行雷動臣凜遵

至意與督臣高其倬嚴飭屬員清釐一切其不知改悔者節經

題叅在案今再查應叅者即行叅處俾吏治益就肅

清再土豪光棍深為民害

臣

現會同督臣加意訪

查嚴行拏究以靖地方再新平縣元江府界有土

目方景明等與施和尚等讐殺聚集裸衆擾及村

寨官兵攻捕方景明等見勢窮蹙與後生裸礮三

百餘人束手投服於去臘解至省城看守候勘至

靖盜安民為第一要務毋少懈忽

此外若有野賊肆橫臣等謹遵

若必自能射而後訓兵則綸巾羽扇不垂美於史冊矣

論旨嚴拏究處再臣標兩營兵丁操演定有常期臣於

孔毓珣亦不能射天下撫標營伍之整齊無出其右者

豈因已之不能而遂置武備於不講歟

之好醜力量之大小以定高下去取欣逢

將弁士卒全賴爾等之勸勉鼓舞也

皇上整飭戎行自遊守以至末弁莫不爭相策勵以期

自効臣本庸材念受

聖祖仁皇帝暨我

皇上殊恩無以報稱於辦理兵民事務不敢不勤今奉

聖諭

臣

當益加振飭訓練。俾將弁士卒倍相奮勵以壯

邊境聲威緣

聖心惓惓於吏治民生弭盜練兵諸務

臣

謹將目下遵

行事理據實陳

奏伏乞

睿鑒

臣

無任惶仄之至謹

奏

所奏諸務惟宜實力奉行莫謂朕之耳目遠而弗屆也

勉之

同日又

奏臣查得雍正元年雲南通省秋收豐稔即有一二
稍薄處亦不下六七分收成細問各處麥苗俱好
入春以後米價不為高昂間有稍貴至一兩有零
之處省城自臘月屢有雨雪霑潤正月復連得小
雨麥苗甚茂蠶豆早者已結實可食市中上米價
約一兩一錢次米價約一兩民間氣象甚好理合

奏

聞謹

奏

閱奏深慰朕懷畿內以及近省地方蒙

上蒼祚祐比皆雨暘時若朕曷勝欣幸之至

同日又

奏竊臣於雍正元年十一月初六日

奏明蔡起俊領憑赴湖廣臬司新任今齋摺人回欽

奉

皇上硃批

臣

捧讀之下仰見我

皇上功過不掩勸懲備至臣隨欽遵寄字敬錄

諭旨傳知諄切勸戒勉其自省愆尤惕然改悔奮力做
一好官無負

皇上格外生成至意所有

硃批恭繳謹

奏

近日觀人不貳過者少下愚不移者多蔡起俊謂非幹員不可然其操行朕實未之信也今伊提刑湖廣雖不係汝屬員但汝曾經保奏則非風馬牛之可比理應再三勸勉更當留心採訪伊倘怙終不悛辜負朕恩即實奏以聞不可為之容隱

同日又

奏為欽奉

密諭事竊臣進摺人回捧到

諭旨三道一為社倉利益民生及保甲當行責成一為盜案改強為竊及諱盜誣良等弊一為供應煩擾不得濫行餽送京差以滋糜費以上各條仰見

皇上愛養民生培植風俗之盛心至為詳盡周密

臣等

凜遵

諭旨敢不日夜在心循循料理以期上副

聖懷緣係各督撫應行事件

臣恭奉

諭旨敬謹安設時刻觸目籌維不敢遽繳理合聲明伏

乞

睿鑒臣謹

奏

照所請留閱可也此通行督撫之諭爾等分間宣猷風
土各異要當審習俗順民情因地制宜酌其緩急次第
舉行設有牽制難行處抑或行而無益即據實奏覆毋
得陽奉陰違更毋因朕諭而膠固迎合以貽天下後世
笑也勉之

雍正二年五月二十八日雲南巡撫臣楊名時謹
奏為奏

聞事本年閏四月十六日奉到

硃批諭旨畿內以及近省地方比皆雨暘時若臣捧讀
之下不勝歡躍良由我

皇上念切民依默契

天心所致自此永召豐和於萬國也雲南去歲有秋今年
夏熟收成有七八分四月閏四月插蒔之時早得

甘雨兩迤俱遍歷年高燥難以栽植之處無不盡
行播種五月下旬臣出郊循行阡陌見禾苗或茂
色極青蔥轉盼秋成可望滿收旬日之前雨覺稍
多近海最窪之灘有被水淹及者約千餘畝連日
來天氣晴霽漸已涸出尚可無傷米價比春間少
為平減因雨足苗肥故也臣謹

奏

據奏雨足苗肥盈寧可望實慰朕念

雍正二年九月初六日雲南巡撫臣楊名時謹
奏為恭報秋成豐稔民生樂業仰慰

聖懷事

臣

查雲省自夏入秋雨澤甚多兩迤各郡高原

坡阪栽種俱遍昆明縣近海窪田被淹約及千畝

七月朔日河水暴漲衝塌關廂民房五十餘間小

板橋舊門溪等村水衝堤埂漫淹田禾四百餘畝

但當

據實不必稍諱

衝塌民房數百間半日水退不至成災其被水衝

田屋之民即發錢穀賑助咸令得所省城米價上

米每石一兩一錢次米九錢餘為年來最平之價
迤西唯定邊縣及鄧川州二處有傍山之民房田
畝山水陡下衝坍各一二處該州縣隨已賑助訖
臣詳細訪問兩迤之各府州縣秋收八九十分者
甚多七分者不過數處總計通省竟可算十分年
易勝欣慰
景仰荷

聖德如天

恩周邊徼感和召祥民登衽席臣惟有乘此豐收之際

甚是
諄飭官民加謹益藏亟事儲蓄凜遵

聖諭講求社倉之法務在行之

必如此方為至當不易

聖諭講求社倉之法務在行之

有利無弊至如設立保

爾等

甲均平丁差等事總期絕無紛擾不事緣飾虛名

惟期言行相符

無私

攬把持為事與劣紳蠹役相為合夥騙累小民臣

嚴飭有司力除一切積弊

此四字亟宜勉力行今學臣蔡嵩盡心衡文

大抵

教士約束勸誘寬嚴互施使各漸知守法學校肅

而人咸以寬為善而不知寬之弊咸以嚴為害而不

知嚴之並若私恩小惠尤無濟於事也
皇上慎簡學使誠移風易俗之要道也謹將雲省近日

情形繕摺奏

聞謹

奏

政寬則民慢慢則糾之以猛猛則民殘殘則施之以寬
寬以濟猛猛以濟寬政是以和此誠聖人千古不易之
名言也因爾寬嚴互施之語故再及之

雍正三年七月十三日雲南巡撫臣楊名時謹

奏請

皇上聖安

朕安今欲擢用爾為總督當勉盡厥職以副朕委任之意

雍正四年四月二十日兵部尚書雲貴總督仍管

雲南巡撫事臣楊名時謹

奏為恭謝

天恩事竊臣於雍正三年十二月初二日具疏籲懇

聖慈鑒宥前愆仍准摺奏疎息待

命夙夜靡寧雍正四年三月二十九日接准部咨內開
二月初九日奉

旨楊名時既知過失懇切奏請仍准摺奏該部知道欽
此臣捧讀之下隨望

闕叩頭謝

恩伏念臣才疎識謏愆咎多端仰荷我

皇上寬宥矜全且復疊沛

隆施迥逾常格拊躬愧赧不知所報茲蒙

恩命准臣摺奏俾臣得於應行密陳之事恭請

指示凜奉遵循臣服念

聖慈唯有益加敬謹小心知非補過殫竭微忱以期副
君父造就裁成之

德意耳為此繕摺謹

奏

前因人有萋斐之言偶失於舒究耳今既辨白何罪之

有朕一時之誤從不文飾以自恕朕之素性如此不以過為疚而以不能改為疚往事當釋然於中不必絲毫介意鄂爾泰深知朕心到滇之日爾其詢之

同日又

奏該臣查得滇省春杪夏初連得雨澤四月中旬雨尤均遍霑足各郡豆麥雖未全報收成數然詳加訪問大約可望七八分至五月初皆可登場迤東之臨安元江開化等府迤西之永昌蒙化景東

等府天時本暖又得早雨秧苗已多栽插去年因
秋雨過多秋熟祇及七分是以大理楚雄臨安開
化等郡兵多之處米價俱比往年稍貴省城兵民
所聚價值頗昂每一京石約一兩三四錢餘臣等
令各處將倉米減價糶賣俟秋冬買補還倉目前
之價可不至日昂矣至於水利堤防各已依時濬
築報竣奸棍刁徒嚴飭稽察鹽法嚴務隨宜酌劑
總以不擾民勤察吏不事塗飾期有實濟為務管

總督事撫

臣

鄂爾泰到任將已三月於吏治邊情

悉心整飭辦理

臣

因在滇日久每晤面時以平日

所知所見隨事逐為論說撫

臣

鄂爾泰係肯刻苦

有見解之人亦咨謀詳慎務期於事情妥協臣等

二人俱各凜遵

皇上兩省地方緊要著和衷同商辦理之

諭旨實心任職虛心受言平心察理小心防弊庶幾相

濟相資於政治民生均有裨益上副

聖主屢念邊方

訓迪臣工至意謹

奏

汝二人皆公清自矢之臣自必同道相濟有水乳之合
朕覽奏深為嘉悅鄂爾泰乃斯時封疆大吏中卓異之
品互相推誠砥礪共敷治理可也

雍正四年六月初九日兵部尚書雲貴總督仍管

雲南巡撫事

臣

楊名時謹

奏為冒陳鄙見仰祈

聖明垂鑒事竊臣在滇於今五載有餘與督臣高其倬

共事三年有餘臣服其公勤清慎沖雅不伐自愧

不及其綜理之才今管總督事撫臣鄂爾泰到任

將及五月臣見其安心喫苦竭力辦事咨訪籌度

慎密周詳皆有重始善終之慮斯二臣者其善人

君子之倫乎與之處者內有以檢飭身心外有以

諏謀政事交資互益德可進而業可修臣於仕途

中僅見其人輒不禁攄陳胸臆於

君父之前藩司常德壽臬司江芑等俱和衷師濟雍雍
肅肅氣象甚嘉伏惟

聖鑒謹

奏

鄂爾泰高其倬之才之守不待爾奏朕知之久矣諸王
大臣中朕所深許者怡親王鄂爾泰高其倬三人也卿
等克儆此三人居心行政方不負朕信任之重常德壽

以滿洲人材而論可謂庸中佼佼者江邑中材耳不失為老成人

雍正四年九月初四日兵部尚書雲貴總督仍管

雲南巡撫事

臣楊名時謹

奏為恭報雨暘時若秋成豐稔事

臣查雲南入七八

月以來雨澤調勻自省城至兩迤各府俱各相同
偶有一二當山水之衝龍陣冰雹所過及生秋蟲
或傷一段或數村少者數畝數十畝多者一二百

畝當經該州縣一面詳報一面即動倉穀逐戶賑恤不致失所又滇中民夷多食蕎者今年之蕎大勝去歲民間最得其接濟之益是以目下米價比前漸次平減中秋後得溥雷雨澤秋分後亦晴雨得宜晚稻蕎麥咸得滋潤時和物遂婦子恬熙目前刈割過半各處收成九分十分者居十之八此外唯楚雄姚安二府屬稍次於他處然亦有八分收成俟場功陸續告竣臣等誠諭各該有司勸民

加謹益藏急公清課並飭有司買備倉儲以裕軍
糈民食仰副

皇上廑念邊方痼瘼懷保至意謹

奏

雲省有卿等居綱紀之任正已率屬以敷布德化自必
感召

天和捷如桴鼓朕殊為滇民欣慶之至儲蓄乃第一要務
在邊境尤當加意講求朕願觀成效焉

同日又

奏為恭奏接奉

諭旨日期併陳謝悃事雍正四年八月十七日臣於監
臨場內接准吏部咨為欽奉

上諭事等因到臣臣伏讀

上諭敬繹

綸言仰見我

人為流俗之所漸染每苦不自知然所謂漸染者不過
皇上之軫念地方者至切勉勵臣等者至厚人臣奉職

沾名矯廉之習其病本輕而可治無如身既為流俗所染而反泥古自信認古之非者為是則病入膏肓難以救藥也品且敗一時之風氣習尚雖居鄉邑猶為匪流況

可覲顏列位聖人所為痛惡鄉愿而我

聖人之心量豈庸常所易窺見朕亦不敢言惡聖人之皇上所以深憂臣下漸染此風也謹按聖賢之所惡非

所惡但知鄉愿之常深惡耳

而於惡鄉愿尤甚於佞與利口無禮不遜及徼

何止書賢者之所惡而不備書聖人之所惡朕代為補

之稱斥絕倍嚴人臣苟不知切戒乎總不如汝一句而鄉

愿更為深巧斥絕倍嚴也當切戒之朕已悉汝所

人之門身不可容於

譏所指之人然而無庸也即此恐不免陷於佞與利口
聖人之世臣自今以往唯有切省不遑內則整肅身心
無禮不遜激訐為智直矣鄉愿之跡尚未知能除與否
又奚可自蹈此等愆尤一切姑聽朕之訓示反躬內省
訓迪惓惓至意耳伏思人之一切精神不假覺則就頹惰致
有則治之道不加勉不必簧鼓唇吻掉弄機鋒也朕今
不汝責者恕汝從未經召對若而朕之後保汝自不為
皇上是以諄切再三加意於振作人心平均政體要皆
此等文章矣朕生平得力處即持平二字又在不在
敢為天下先一句蠡測未足以窺萬一謹繕摺
至仁中流露愚臣
能窺測於萬一耶
奏謝伏乞

人非聖賢孰能無過改之為貴何以慚為
慈鑒臣不勝慚懼竦仄之至謹

奏

朕因欲汝洞悉朕之居心故走筆而諭不覺言之纒迤
而繁也

同日又

奏為恭繳

硃批奏摺事臣蒙

聖恩准臣仍具奏摺隨繕摺恭謝奉

硃批開諭仰見

聖度如天明並日月稽之典籍自堯舜禹湯文武而下
未多見也凡在

天光離照之內者雖蒙被瑕垢不待湔濯而皎然完白
益得勉為全人臣敢不殫竭愚衷以期仰酬

至德勉副

至教又臣另摺

奏撫臣鄂爾泰為人肯刻苦有見解與臣和衷辦理

等情蒙

硃批以臣等二人皆公清自矢宜互相推誠砥礪臣伏觀卿誠實此語似由中而發朕深嘉之

讀之下不勝慚悚益切感奮又臣於六月奏高其

倬鄂爾泰為任途斯乃確論僅見臣深受裨益蒙

硃批勉臣效怡親王鄂爾泰高其倬三人居心行政臣

不越聖賢矩誨殊不易言他日晤卿將矩誨要領面相

稟自循省雖平日刻加防檢惟恐違越聖賢矩誨

剖析聖賢之意亦何嘗隱晦難明然朕雖云窺見一二

羞對

不過較尋章摘句之腐儒稍近耳又寧敢以聖賢自居君父而才質庸迂不敏辦事自覺有疎緩處力勉於勤

即至聖尚云聖則吾不能世豈有自許聖賢之聖賢也
以補拙之語茲遵
耶姑止勿更言若再深論縱辭理俱勝亦近於佞與利
訓諭惟有改已之短效人之長期為
口之嫌矣然朕不敢為天下先
聖世成材庶不負我

皇上惓惓至意耳所有

硃批四摺理合恭繳臣謹

奏

凡理勝於辭謂之忠辭勝於理謂之佞宣聖惡佞之言
蓋緣季路口給禦人之失而發後世俗儒至理屈辭窮

籍口結舌而或以佞詆人以不佞自解不特昧己之良抑且離經叛道為名教罪人誠不可與論洙泗之學也且尼山又云君子不以人廢言詎因己之理屈遂併人言而棄之可乎覽卿此奏思及前諭故引而伸之朕豈好辯哉乃不得已也指迷之論卿當熟讀以增識見

古有君臣契合而虛懷論道者往復駁詰必求合乎至當而後已朕每於史冊中睹其流風餘韻不禁為之嚮慕焉今我君臣萬里談心寧非人間樂事乎

雍正四年十二月十八日吏部尚書以總督管理

雲南巡撫事務臣楊名時謹

奏為恭謝

天恩事臣衙門齋摺承差回滇捧到

皇上賜臣

御書魏徵十思疏一卷臣恭設香案望

闕叩頭謝

恩祇領盥手捧擎歛容瞻矚仰見

龍文璀璨

鳳藻騫騰

揮毫煥雲漢之章

振腕挾風雷之勢神隨機運法與心融於遊藝而揭

箴銘

睿思宏遠因選言而垂法戒

宸翰昭回唯

天縱乃兼擅乎多能抑好學斯倍臻乎神妙臣叨蒙

寵錫沾被

恩榮朝夕常懸恍覲

光華於

紫極對揚時凜儼承

提命於

彤廷臣不勝感激瞻依之至為此繕摺陳

謝謹

奏

觀爾於講論文字之章奏便覺精神煥發殊不思吏治乃一篇真文章也若徒務紙上空言而於致君澤民毫無實濟聖門之所謂學豈若是歟失之毫釐謬以千里不可不審也

同日又

奏為恭報地方情形事

臣

查滇南於冬至前數日省

城得雪半寸許各州縣報得雪二三寸不等可卜

來年豐稔蟲不為災前蒙

硃批諭旨蓄積乃第一要務在邊境尤當加意講求欽

此臣飭各官趁此豐收發價平買米穀務令倉儲

充實仰慰

實力奉行方期成效積德作孽惟在誠與偽之間當察
皇上軫念邊方至意又原駐察木多鶴麗鎮總兵臣張

識而擴充之也

耀祖據報撤師回滇臣委官整備船隻及沿途供

應糗糧併齋解銀兩俾均沾

士卒久勞塞外今得歸休覽奏曷勝欣悅
皇上鴻賚弘仁歡欣凱旋臣謹

奏

覽

雍正五年正月二十五日吏部尚書以總督管理
雲南巡撫事務臣楊名時謹

奏為凜奉

嚴綸瀝陳下悃事臣接准部咨內開內閣交出戶部議
覆臣為滇省未完鹽課一本奉有

諭旨臣伏讀之下慚惶悚懼寢處靡寧伏念臣才識庸
劣遇事每多不諳茲因清查鹽課具本緣此項欠

課經前督臣高其倬於查叅事案内審明摺

奏於雍正二年十月內咨行在案迨承追鹽課二年

限屆該司道查案詳題臣一時冒昧惟恐有干勝
心有所恐懼則不得其正此之謂也
臚混奏之愆將

密批諭旨遂爾照案載入本中此實臣迷謬所致非敢

有別情也今臣恭繹

似此等微文隱刺寓春秋之意於朕前詎人臣有諫無
綸言凡摺奏經批示發回者不過據一己之見即便批
訕之義乎
發仰見

聖衷至虛至公不執成見臣淺陋不能窺測抱愧實深
辜負兩朝高厚神明早鑒知矣積歲云者汝意為平常
至臣積歲以來受

事故作此口頭語耳

乞

皇上嚴賜懲處俾臣有定憲懲處二字朕亦不能私擅豈
爾所得求請者殊為玩視

前愆庶有以仰報

高深於萬一也臣謹

奏

覽

雍正五年閏三月初八日吏部尚書以總督管理
雲南巡撫事務臣楊名時謹

奏為欽奉

上諭事臣准吏部咨開奉

旨雲南巡撫員缺著湖南布政使朱綱補授朱綱到任
後楊名時起身來京欽此咨移到臣聞

命之下不勝欣躍望

闕叩頭謝

恩竊臣忝任封疆去京萬里我

皇上御極之初恭疏陳請入

覲未蒙

俞允幸今年十月

萬壽聖節恭遇

朕以涼德踐阼未久有何深仁厚澤被及斯民而泰然
齊天大慶臣欣忭情殷冀隨侍從班末共効嵩呼正擬
受天下臣工之慶賀耶爾等諸臣若毫無愛敬之誠徒

繕摺懇頌

為虛文套語以相稱頌朕唯哂之而已實不入目
聖慈准臣詣

闕行禮今欽奉

諭旨令臣俟新任撫臣朱綱到任後來京臣計瞻

天之期伊邇喜戀

此時方云上緊料理則向日之急忽不言可知矣身任主微誠從茲得遂一面將臣任內應行事宜上緊料理封疆之寄年來所為何事而於交代卸事時始催造稽催造奏銷軍需冊卷併稽查倉庫錢糧以俟交代查紛臣紘未已豈不大可胡盧耶臣翹首

五雲觀

光志切謹摺恭謝

天恩伏乞

睿鑒謹

奏

一切事務明白之後自然來面朕也

同日又

奏為奏

聞事督臣鄂爾泰恭傳

聖諭令臣等委員送陳時夏母親至蘇州伊家內亦為

之照料妥協無令其母繫念又

諭起身日期一聽其母之便在路隨意歇息行走不必
因乘驛定限欽此仰見我

皇上曲體臣下將母之情愛護安全備極周至

聖主教孝作忠肫摯若此為臣子者當何以酬答

高深臣等謹已資送盤纏照管啟行之事於三月十九

日陳時夏母親已自省城登程赴蘇州差委昆明

縣縣丞張浩同陳時夏之子陳萬里一路小心照

料務俾高年適意陳時夏之母叨沐

殊恩洵屬人生希有之遇縉紳莫不羨榮緣遵

旨辦理事件理合奏

聞謹

奏

朕加恩於陳時夏之母不過推屋烏之愛耳初未嘗思及縉紳盡羨以為奇榮也若因賞一人咸以為榮而懷感則罰一人必咸以為辱而懷怨此即黨比惡習朕正

欲力行滌除爾乃宿學舊臣何亦出此鄙陋之言耶朕
於一切事惟以真誠接對天下臣民胸中從不少存絲
毫沽名避謗之心

上蒼可鑒朕既擢用陳時夏欲其宣力以報朝廷自不忍
令伊垂白之母睽違數千里外兩相懸切前據陳時夏
面奏願迎養任所朕准其請又豈忍令八旬老嫗間關
跋涉不獲安全是以諭爾等周旋照顧此朕之本意今
閱汝奏生出無限文章殊為畫蛇添足翻使朕有遺憾

前舉之心且將來施恩於臣下更不得大費一番躊
躕也特諭

同日又

奏為

聖誨嚴明臣心凜惕恭鳴謝悃懇祈

睿鑒事臣蒙

恩賜

御書魏徵十思疏具摺恭

謝臣家人於三月十五日齋捧回滇欽奉

硃批跪讀之下心骨俱悚恍如面對

天顏親聆

誠飭言言痛切字字深警雖晨鐘醒寐道鐸發蒙未足
為喻也自此於致君澤民之道務期勤求熟講雖
庸材下質不足與於

聖學高深而服膺

至教之餘漸知向往獲免罪戾莫非我

皇上矜宥生成提撕警覺之所致也臣不勝感激懇切
之至謹具摺恭謝

聖恩伏乞

皇上俯垂

慈照謹

奏

此奏若出於至誠所謂失之東隅收之桑榆未為晚也
否則仍屬無益耳將此數摺批諭與鄂爾泰看

雍正五年閏三月二十一日吏部尚書以總督管

理雲南巡撫事務臣楊名時謹

奏為凜奉

嚴綸臣心警惕恭陳忱悃仰祈

睿慈垂鑒事竊臣因滇省未完鹽課照前督臣高其倬

咨開

硃批原案具

題奉

旨交部嚴察議奏臣准到部咨隨繕摺陳

奏閏三月十五日臣標齋摺把總回滇臣啓匣敬讀

硃批訓諭嚴切臣不勝悚惶慚懼伏念臣一介庸迂蒙

聖祖仁皇帝由詞林歷擢至滇撫抵任二載恭遇我

皇上龍飛御極蒙

以四載為久任爾意不過謂朕用人輕於去留耳於他

思久任復躡陟夏卿銓部仍令管理封疆

人輕為去留於詐偽不實之楊名時獨姑容至今是誠

寵賚便蕃
朕之過也
恩施優渥罕有倫比臣昂首

雲霄捫袂自省雖捐廉頂踵詎能酬報萬一唯有矢公

竭誠兢業龜遑仰體

聖上愛恤

科甲

兵民之心期宣

何事

聖朝懷保綏和

朋底

之化第才具短拙一切政治雖已見所

朋黨掣肘故耳

及每有不能辦理敏速籌慮周詳之處自憾力不

無非私意填習

非力不從心乃心不用力

從心不足

以稱副重職上則愧對

如爾此語則誤用之咎歸之君上矣豈臣子所忍言者

至人下且莫酬夙志幽獨耿耿有不敢自諱飾於

君父之前者我

惟漸不能早為洞徹耳
皇上聰明睿智無微不至
臣之心術行事總不能稍遁

於

當陽之

離照也伏惟

聖諭嚴明諄切無非

矜全覺悟之至意
臣雖昆蟲草木亦當聞雷聲而啓蟄

感春氣而萌芽
寧忍自外人倫甘心暴棄為

聖世廢材自茲以往
祇有痛自刻勵以求無負我

皇上不倦之教思

生成之大德已爾臣不勝懇切依戀之至恭繕摺陳

謝伏乞

睿鑒謹

奏

非朕樂為苛細也因爾等之春秋每於字句中寓褒貶之義朕故於爾之章奏留意剖析而不少畧焉若因鑒照精嚴不得逞其伎倆遂生怨尤則悖逆之罪更不可

道矣

雍正五年六月十七日署理雲南巡撫臣楊名時

謹

奏為恭報夏熟收成豐稔秧苗栽插普遍仰慰

聖懷事

臣

查滇省兩迤諸郡春夏以來晴雨調和豆麥

俱獲豐收雖分數畧有參差大約不出八分九分

亦有滿收之處又據各府報稱四五月甘霖屢沛

禾苗早得栽插高原坡阪處處都遍秋成豐穰可

期山地所種之蕎麥時得雨潤自六月杪以至七

類此

月漸次收割登場民間可賴其先時接濟臣等郊
之舉實可沽名是汝優為之事

行勸農見田家欣欣力作父老村童觸目皆熙恬

景象咸相忘於

朕不務名百姓不識不知不亦宜乎朕惟於敬
帝力何有中矣我

天法

皇上念切蒼生邊陲萬里之遠如在几牖重民食而核

祖

夙夜警惕耳至於悠悠物論從不計及也

倉困裕邊餉而籌儲蓄

臣等二字可謂猶有自知之明若以揚名時之詐偽而
訓諭諄諄周詳切至臣等惟有恪遵力勉以期尺寸裨

欲敬迂

補敬迂

天天

和感應之理不協矣年來雲省豐稔幸賴鄂爾泰李衛

和上紓之忠誠所召致耳實與楊名時無涉乃大言不慚云有

宵旰之謹繕摺恭報伏乞

尺寸之補清夜捫心寧不赧然

睿鑒謹

奏

覽奏為汝抱愧良多

同日又

奏為恭報辦理銅鹽課項仰祈

楊名時猶覲然人面言及銅鹽課項耶
睿鑒事臣查滇省鹽課及銀銅廠課攸關兵餉鹽政歷

年以來遵

恐未必如揚名時所薦之科甲中人物
旨清釐章程漸備鹽道劉業長自雍正四年十月到任

於鹽務甚為明晰操守廉潔可稱盡職之員銀銅

二廠臣自康熙六十年正月到巡撫任後見銀廠

自五十八九年約各缺額課三萬數千餘兩銅廠

則獲有餘利銀課現虧若私收銅利此心何以自

可謂

冰清玉潔
安臣自此絕不取廠規勸勉各官實心辦課若有

亦不過焦頭爛額之功耳何足沾沾自詡
缺額以臣衙門鹽規等銀兩捐撥補足臣共捐補

節年缺課銀二萬五千一百八十兩係臣整飭鹽

務之始自雍正元年臣等遵

旨查奏衛來滇楊名時能如此料理乎掠他人之美以為
旨查奏銅鹽議以鹽規歸公銀兩內撥補銀廠缺課奉
旨功鬼神之所惡也慎之歸公銀兩內撥補銀廠缺課奉
旨准行糧道張允隨歷年管理廠務調劑得宜力除廠
中之人乎

弊銀廠缺課漸少又各銅廠課息於遵

旨查奏銅斤案内

奏明每年可辦獲銅一百餘萬斤約可獲息銀二萬

凡此皆鄂爾泰清釐積弊之效公然自認而不作即云
年邁昏憤亦何至於此
餘兩雍正四年分銅礦頗旺辦獲銅二百一十五
萬斤息可倍增今年永興銅礦更旺又可逾於常

額以少資邊餉茲屆雍正四年分各項錢糧

奏銷之期謹將

殊為可笑

辦足情形據實奏

聞伏乞

睿鑒臣謹

奏

披閱之間詭譎盈紙殊無忸怩不解具何等面皮也

雍正五年九月二十日署理雲南巡撫臣楊名時

謹

奏為滇省秋成豐稔仰慰

聖懷事欽惟我

皇上

仁育萬方

孝先天下

耕耨重農自九州以及邊徼莫不奉行恐後茲當萬

寶告成之日慶集豐穰東西兩迤各郡高原下隰
百穀齊登為數年來所罕見又雙穗兩歧及三穗
四穗者生於耜田民田自省城及大理永昌諸郡
相接詳報而臨安府建水州已經收穫之禾其根
復生苗吐穗結實竟得兩熟尤為從來未有八月
以至霜降節中天氣晴明場功計日可畢皆我

皇上敬

天勤民召和錫福之所致也理合繕摺奏

聞臣謹

奏

感召

天和非朕薄德可幾實由鄂爾泰忠誠昭格之所致也

同日又

奏為欽承

聖誨開諭微臣感激難名恭陳謝悃懇祈

睿鑒事竊臣前具摺

奏謝

恩賜

御書魏徵十思疏蒙

皇上硃批以吏治勉

臣臣

不愧詢非人面感則人非人
不勝感愧當即恭摺

情即

此感之一字非詐偽而何

奏謝伏蒙

皇上硃批此奏若出於至誠所謂失之東隅收之桑榆

未為晚也否則仍屬無益耳將此數摺批諭與鄂爾

泰看欽此臣捧讀叩頭仰見我

皇上天地父母之心諄誠剴切勸勉誠飭所以望臣者至矣臣即甘於暴棄亦何忍自外

生成撫衷循省寤寐難安沒世矢感至於臣才庸智短察言如是觀色亦然詐言既不能惑朕之耳偽色豈能罪戾實多欺偽巧詐不但不敢有抑且不能為倘詎朕之目耶得仰覲

天顏自必難逃

聖鑒臣惟有凜佩

綸言時時存省以期克副

至教於萬一耳所有數摺已遵

旨敬捧與鄂爾泰恭閱再臣前次奏摺係交齋奏銷鹽

課本章承差蘓晴捧

因推却小過而多此煩瀆殊失大臣之體

進因該差未曾聲說明白祇稱係用火牌致蒙扣發

將

御批之摺由兵部轉發於九月十五日到臣理合一併

奏明臣謹

奏

覽

同日又

奏為瀝陳下悃仰籲

聖慈垂鑒事竊臣摺

奏劉業長盡心鹽務稽察周詳張允隨調劑廠務弊

除課裕奉

硃批恐未必如楊名時所薦之科甲中人物欽此臣捧
讀之下不勝悚懼念臣賦性迂拙平日寡交凜遵

試逐躬內省忍書此語以陳於君父之前乎是即大欺
明旨兢兢自守惟恐犯朋黨之戒致悖羣而不黨周而
大偽大巧大詐負朕期望自棄自外莫斯為甚
不比之訓在仕途數十年自同僚以及屬員從不
敢分別出身有心異視每見科甲中頗多匪流異
途中不少才俊我

皇上因材器使立賢無方何嘗有分門別類之見即如
近代先儒無過程朱程子不應科目朱子論科舉
之弊嘗云且令士子讀些書三十年後恐有人出
昧心悖理之言銜口而出實不勝分析指摘也
意亦欲暫停科目也臣於人從不敢因其科目而

重之因其非科目而輕之但不難公則明矣馭人亦
易誠之馭人之術每為人巧詐輩所能窺測於萬一
若然則昏愚之至全無自知之明是所謂中人以上不
可以語上也朕日前訓諭殊屬可惜自將缺課塾補足
皇上憐察再辦銀銅廠務之事臣雖自將缺課塾補足

額然經理無能計出至拙至下若李衛於辦理鹽

課實為幹濟臣自知遠不能及此皆人所共知天下

始服

朕旨為公論

李衛

未聞已不正

而能正人者

先攻

相規

相規

自疵

盡臣之心實欲其去小疵而成大醇無負我

李衛

氣質不好處

每直言相勸

相規

相規

相規

相規

皇上玉成至意孚衛之諒朕與否朕亦不計知陋衛君稍有

私意芥蒂何以仰對

聖君臣蒙

恩反覆

瑣瑣何妨其奈無一字之實故覺可厭耳
開諭輒敢瑣瑣自陳上瀆

天聽伏乞

聖慈照察臣不勝屏營戰慄之至臣謹

奏

覽



硃批諭旨卷三

欽定四庫全書

史部
硃批論古卷四

臣永瑢恭校

編修臣裴謙覆勘

總校官中書臣朱鈐

校對官庶吉士臣張九鐸

謄錄監生臣章玉植

欽定四庫全書

硃批諭旨卷四

硃批楊宗仁奏摺

雍正元年三月初九日湖廣總督臣楊宗仁謹

奏為恭繳

硃批奏摺事竊臣於雍正元年三月初二日遵

旨到任隨即繕疏謝

恩敬請

陸見恭候

俞旨所有一切應行事宜現在次第辦理臣查檢

欽部案件有准兵部咨奉

上諭各省督撫從前奏摺內所有欽奉

聖祖仁皇帝硃批俱敬謹彙集繳進嗣後凡奉到硃批奏

摺俱行奏繳亦不可抄寫存留欽此臣嗣後凡有奉

到

硃批自當隨即恭繳所有臣前在廣東巡撫任內歷蒙

聖祖仁皇帝硃批奏摺共五件理合遵

旨彙繳具摺恭

進伏乞

皇上睿鑒謹

奏

全楚地方疊遭滿丕張連登王之樞等股削苛虐元氣
大傷向非賴我

皇考六十年培養之深恩厚澤有以淪肌浹髓則至今日

更為不可問矣朕雖未識爾面爾之操履志趣居官聲名早已洞鑒所以急用爾總制其地為朕治理今莅任伊始正在振刷一切不必來京湖南湖北兩省屬員內察有貪婪酷劣及老病無能向來苟且姑留之輩盡數糾叅追賠虧空以清補錢糧如遇有為有守賢能之員即行越格保題以示獎勵如此則官吏勸而民心悅地方有不改觀者乎其守令中或有人地不相宜者因材器使更繁調簡原屬善舉徑具密摺奏請朕即飭部准

行至於督撫標下兵弁率多忽畧不以為事覽爾前奏
皇考摺內整頓標兵之議朕深為嘉悅可轉諭兩撫共相
加意訓練毋似仍前怠弛再地方有司革職留任設法
賠補之說萬不可行何則此輩身家已若漏卮不取於
民將從何出又捐助一事尤為朕所不悅審為當用公
務自應動發正項錢糧若些小彌縫之事則又何必奏
聞乃不肖督撫動稱捐助千萬兩因而勒派州縣倍取
於民復於中取利焉由此以至拖欠正賦虧缺倉庫弊

無底止究其實所捐之項仍出於國家錢糧此等名實相違有害無益之事爾亟竭力為朕革除爾之屬員內文自兩司武自鎮協以下朕俱聽爾酌定去留爾其仰體朕信任之誠黽勉為之俟地方大有起色諸務妥協之後再請陞見未為晚也且

梓宮大事已過即使爾來亦不及盡禮惟宜殫心竭慮料理封疆以無忝厥職仰報

皇考向日知遇之恩可也賜來

皇考所遺御用衣物爾其敬領毋忽

雍正元年四月初五日湖廣總督臣楊宗仁謹

奏恭請

皇上聖安

朕安爾雖到任未久所奏所行數事深合朕意甚屬可嘉如此可謂名實相符無愧封疆大吏也爾今兼統文武特賜孔雀翎以彰爾之優能

同日又

奏為遵

旨議奏事雍正元年三月十五日巡撫臣納齊喀齊到
禮科掌印給事中繆沅

奏摺宣傳

上諭交臣與納齊喀查議具奏欽此竊照科臣繆沅昔
年視學三楚經歷兩湖各郡特具條議入

告似有成見但臣等細查鎮算各苗素稱狡黠從前常
有掠捉勒贖之事自康熙四十二年蒙

聖祖特遣吏部尚書臣席爾達等剿撫兼施兇苗各知畏
威懷德嗣經督臣鄂海奏稱各苗歸順之後頑梗
漸消等因在案臣等當更加意撫綏以期潛移默
化俾革面革心不復生事至於土司原係荒服非
內地可比父子承襲相沿已久或與隣司挾隙穴
鬪均在萬山崗寨之中若議令分襲諸子竊恐日
後不無强弱兼併欺凌之慮柔遠安邊總在

聖明照鑒再查鄖陽一府居楚地西南界連秦蜀明季

因流寇竊發設兵防禦遂成重鎮

本朝因吳逆變亂亦曾設提督在彼彈壓策應一經
平定即奉裁撤今該府所屬六縣共有副將遊擊
都司守備千把三十餘員制兵二千六百餘名分
地防守已為嚴密且鎮臣駐劄穀城距鄖陽僅三
百餘里足資策應至於襄陽乃五方雜處之地亟
須道員彈壓現今鎮道分駐控制兩府似未便移
動紛更緣係奉

旨令臣等查議事理謹就淺陋之見合詞繕摺具

奏伏乞

皇上睿裁謹

奏

覽奏朕甚嘉悅此事朕原不深悉適因繆沅條陳發爾
查議今爾逐款分晰甚明但奏內有若令分襲諸子恐
日後不無兼併欺凌之慮等語於此爾當再加思維從
來統馭外藩以衆建諸侯而分其勢為善策一時陡然

舉行彼中頭目自必不願遵依苟可緩緩設法諭令聽從逐漸分襲似亦潛移默化安邊之一道其強弱欺凌之虞何必為之遠慮耶朕謂其勢既分心即離異日後縱欲鳴張其中必互相掣肘或畏懼相誡則其邪謀自息矣於我內地頗覺有益朕偶然見及於此非欲必行其事爾等切勿勉強遵承以求符朕旨為念當徐徐斟酌詳議具奏可也

雍正元年四月二十日湖廣總督臣楊宗仁謹

奏為奏

聞事本年四月初七日接准部咨奉

旨楊宗仁不必來京陞見該部知道欽此臣未能即遂

瞻

天仰

聖之願以面聆

爾可無煩朕之訓誨勉之
皇上訓誨知所遵循所有地方情形理合奏

聞竊照湖廣素稱俗薄民刁兵驕吏玩久在

朕因向來洞悉其情所以毅然乾斷將通省大員不稍姑息盡行革黜止暫留一張聖弼爾復為朕處分地方索取陋規節禮州縣必至橫徵私派武弁必至虛為之一清曷勝快暢

兵冒餉兵民挾此逞奸而文員武弁不敢過問所

以臣將節禮陋規一槩嚴行禁革不許文員有私

派武弁有扣冒之弊庶兵民不得藉詞逞私則驕

悍之習冀可默化潛消再查兩湖地方鹽價逐漸

增長窮民每興嗟怨揆厥所由因各官多貪鹽規

豈止於此而已

商人借長鹽價均在百姓身上盤剝即如總督衙

門鹽規漸次加至四萬所以從前一錢一包之鹽

今則公然昂貴至一錢五六分不等臣不得不溯

本窮源盡將鹽規禁革仍令商人減價貨賣以惠

好極

窮民今新任撫臣納齊喀操守廉潔辦事熟練共

果能

久遠如此固不待言倘有改移切毋為之容隱命

相砥礪

可冀地方漸有起色以仰副我

皇上

郭維新另有口傳之諭

求治之至意至於嚴禁官宦富戶囤積搬運止令

是極

商販往來俾米價漸平與力行保甲稽察匪類等

件事事宣揚

聖主洪恩力圖興行教化凡此皆臣職分應行之事不敢一一瑣陳為此繕摺奏

聞謹

奏

覽爾所奏朕實嘉悅在他人朕猶聽其言而觀其行至於爾朕則信而不疑斯乃全楚地方否極泰來之機也密之

亟加懋勉一切興舉毋遺餘力朕生平誓不負人爾其

知之

同日又

奏為奏

聞事竊照今歲湖廣自入春以來雨水調勻禾苗現在
時插二麥收成兩省各府屬均有七八分不等武
漢二府米價每石七錢八分黃安荊襄鄖德六府
米價每石自六錢五分至七八九錢有零長沙米
價每石七錢五分衡永寶岳常辰六府暨郴靖二

州米價每石自五錢六七分至七八九錢有零理
合繕摺奏

聞伏乞

皇上照鑒謹

奏

覽奏甚為欣悅全楚地方獲蒙

上蒼垂佑皆由爾等封疆大吏能布德宣化有以感召

天和之所致也勉之

雍正元年五月十五日湖廣總督臣楊宗仁謹

奏為奏

開事竊惟量材任官乾綱握自

聖主言揚行舉博採下藉臣工祇因小有才具之員每

但據

所知

徑行

舉薦

設或

薦後

改操

及或

名不

副實

何

多曲

意交

接欺

蔽上

官謬

為保

舉或

竟薦

後改

操

司

妨聲

明題

叅此

等劣

員須

當倍

加重

罰與

保薦

之上

司

或致

名不

副實

且有

視為

私門

桃李

公受

餽遺

者

始既

無私

終復

何嫌

何疑

耶假

若遮

護已

闇隱

忍遂

非

微臣

所以

不敢

冒昧

薦舉

今欽

奉

則反

蹈欺

蔽之

輒更

為不

是矣

諭旨命

臣保

題賢

能之

員以

示獎

勵此

誠我

皇上選賢與能以期敷政寧人之盛心也但臣莅任伊始現在湖廣屬員其賢否尚未周知容訪聞確實另行具

奏所有臣前任廣東時確知之員謹開列於後伏祈
斷自

宸衷隨材任用庶各官無私恩可感靡不殫心竭力以
期上報

皇恩倘遇緊要缺出與各該員人地相宜者臣再密摺

奏請恭候

皇上睿裁

廣東肇高廉羅道朱絳操守辦事俱好

此二人

朕已記名

廣東雷瓊道沈澄操守辦事俱好

廣東廣州府以主同留南海縣知縣宋瑋辦事勤敏頗有幹才

廣東廣州左衛守備范宗堯因委察保甲得法知其練於庶務操守亦好謹

奏

所奏俱悉

同日又

奏為奏

聞事竊照俸工一項乃

朝廷祿養官役之恩典豈可任意飭捐以填貪官欲壑

查湖廣州縣以上俸工報捐已經十有餘年總無

此論

通極是極

分釐給發責成官役枵腹辦事焉能禁其不需索

叅劾張聖弼甚屬允當但滿丕等已離任者反覺便宜
間間所有貪婪冒銷俸工之布政使張聖弼業經
於此案內俱應一例處分纔是
臣具本

題叅在案今自雍正元年起一切官役應支俸工臣

俱明白曉諭令各照額編支領俾均沾我

捐助俸工一事為朕素所痛恨自即位以來屢降諭旨
皇上祿養之恩再查從前凡有公事無一不令州縣分
曾經諄諄誥誡爾此奏深合朕懷可謂是當之至

捐實皆派累百姓臣今通長核算但令州縣於所

得加一耗羨內節省二分解交藩司以充一切公

事之費此外絲毫不許派捐近奉部文

皇上又將解部餘平一分

恩賜免解則承辦公事更得有餘況節禮陋規槩行禁革則州縣易於補苴從前虧空臣所辦一切事件惟仰體

皇上愛養黎元澄清吏治至意理合備將飭給俸工緣由據實奏

聞伏乞

睿鑒謹

奏

所言全是一無瑕疵勉之

湖廣全省甚奇督撫布按七人貪庸一轍俱不應留於人世者朕因初登大寶不忍遽將

皇考時曾任封疆之大吏即加誅戮所以姑寬其性命但若干貪冒虧項不必全着落張聖弼一人之身將來至不能完結時不過止於呈報家產盡絕而已亦復何益所有應連坐之滿丕等叅入案内令其合力賠補方是

爾目今何遽為伊等籌畫補苴如果伊等閔不畏死錢糧至不能完時再為設法彌補猶不為遲也特諭

譬如五人共為盜竊之事今止捉張聖弼一人追贓未免偏枯殊堪發一笑須知五人一體相連毫無可以矜原之處

同日又

奏為奏

聞事竊臣查得從前湖廣州縣缺出每多鑽營委署上

此等

銅習相沿已久朕耳中聞之熟矣

司貪其賄賂不計地方遠近任意批委因受苞苴曲為遮飾往往押勒後官接受交盤又有即令知府兼攝更可恣肆彌縫況謀署有費或致虧空此中銅弊久在

聖鑒之中今臣自到任後凡遇州縣缺出先儘本府同知通判署理如無同知通判或別有差遣者即令附近州縣兼攝槩不令遠涉兼理并知府代篆庶民風土俗各皆熟悉而鑽謀奔競之弊均可屏絕

矣謹

奏

此論甚是洵為矯弊之舉

同日又

奏為密請

聖裁事竊照

廣漢口一鎮乃八省通衢商賈聚集之

所藏污

垢匪流最多今漢陽知縣已據乞休此

缺必得

幹之員方克勝任臣前巡撫粵東時目

擊廣州左衛守備范宗堯年富力强委令編查保
甲與盤緝奸宄甚為得法查該備係武進士出身
熟嫻政務如蒙

皇上將范宗堯改補漢陽縣知縣則漢口雖易於藏奸
而所有匪類冀可默化潛消地方收得人之效矣
再廣東南海縣知縣宋瑋原係四川舉人捐陞主
同

題留在任今有湖南寶慶府知府員缺查該府地方

接連苗徭必須幹員料理

皇上若將宋瑋陞補寶慶知府實為人地相宜為此具

摺奏

聞伏乞

聖裁謹

奏

宋瑋范宗堯二員皆照爾所請勅部補授矣此後切勿
踵行省省盡屬版圖在在皆需賢員何地非民何缺非

要隔省題官實屬越例假若別省賢員彼之督撫不加褒獎不行薦擢者備將情節聲明密奏則可今因初次朕姑俯從爾請特諭

同日又

奏為涕泣陳情籲懇

天聽事竊臣自去冬痛聞

聖祖皇帝龍馭遐升悲號不能自已恭遇

皇上繼承鴻緒

特沛恩綸陞授臣湖廣總督臣即遵

旨赴任不期在途忽聞臣母病故訃音公私悲戚填塞

胸次復蒙

皇上命臣在任守制臣惟矢竭愚誠將地方諸事盡心

整頓不敢稍自怠延以期仰答

天恩但庶務紛繁勞思不免近染鬱塞中隔之症非嘔

吐不能通利書寫細字頭即懸暈所有密

奏各摺臣不敢自寫只起草令家人代寫進

呈理合據實

奏明再臣現年六十三歲血氣未衰但偶有病痛必
得親人照料藥食庶可日夕辦事臣妻已故止有
一子楊文乾現任陝西榆林道臣不揣冒昧仰懇
皇上天恩准令臣子楊文乾隨臣終養俾臣辦事之餘
得有親子在旁照料湯藥庶病不增劇得勉竭駑
駘仰報

洪恩於無既也為此恭摺請

旨伏乞

皇上俞允微臣曷勝激切待

命之至謹

奏

照該督楊宗仁所請准令楊文乾隨其父任終養加以
按察使職銜以示朕特恩命醫官趙士英與楊宗仁來
人一同乘驛前往湖廣醫治楊宗仁病愈後回京覆旨
該部行文陝督著楊文乾馳驛速赴伊父任所將楊宗

仁此奏并朕所降諭旨抄錄交付楊文乾看明俾知情由毋致驚疑為此特諭各該衙門欽奉施行

諭總督楊宗仁差來御醫趙士英係朕深知之好醫官但藥餌必須投契方能奏效毋因朕欽賜之醫止憑伊一人調治須將爾日前所服之方并染症之由詳細述明更同爾平時診視之醫生共相參酌對病投藥必有用當通神之驗其安心攝養痊愈後據實奏明以慰朕念諒爾子不日可以到楚閱朕諭部前旨應已知悉也

雍正元年五月二十二日湖廣總督臣楊宗仁謹
奏為糧驛各有專司歸併勢難兼顧亟請復設驛鹽
道員以專責成以免貽誤事竊照湖廣為八省水
陸通衢實乃要緊繁劇之地糧道管理全省南漕
支放各營及荊州旗下兵糈以及修船兌糧押運
等事一歲之中計有半年公出至於驛鹽道經管
全省旱路驛遞并水道宣樓號船應付勘合火牌
又有日給商販水程淮鹽到楚更有盤驗察私之

責督運額銷引目此二道職守迥異各有專責查
湖北驛鹽道自康熙十三年

題請添設以來至五十八年已歷四十餘年不識前
督臣滿丕何故率將湖北驛鹽道

題請歸併糧道其歸併之由殊不可解況每年漕糧
冬兌開幫之後糧道即送船過淮既將印信帶去
而通省驛務等事又不得不用印信或俟回任補
用或令預給通關均屬未便是二道各有責成勢

難兼顧節省一官之經費有限而貽誤地方之公
事良多臣目擊情形謹具摺奏

聞伏乞

皇上照鑒仍將湖北驛鹽道照舊復設各專責成以免
將來舛錯推諉之慮應否具

題理合請

旨遵行謹

奏

所見甚是具題可也大凡滿丕一切措置朕意未必有
一件得當一事秉公者

同日又

奏為恭繳

御批原摺事竊臣前覆奏土司事由一摺奉有

皇上硃批精詳周到邊徼情形無不上蒙

睿照臣查各土司性多猜忌所以歷來止能依險逞強
而不敢離穴為患今蒙

諭旨議令衆建分勢此誠控制頑苗之良法也臣復再
四思維此時若忽令分襲易啓削弱之疑竊查各
土官於諸子姓中不能無所偏愛祇因格於嫡長
世襲定例不敢分建諸子如蒙

特頒恩諭准土司呈請分襲酌給印信職銜自必感激
踴躍願將土地人民分給所愛以共沐

國恩臣當體察情形各為分析疆界以默寓削弱之
意其勢既分控馭自易誠如

聖諭何必慮及其有兼併欺凌之患也就臣鄙陋之見

繕摺回

奏伏乞

皇上乾斷施行謹

奏

此事朕與廷臣虛懷籌議僉云無因而舉似覺多事朕
思所言有理分襲之說竟可不必

雍正元年五月二十九日湖廣總督臣楊宗仁謹

奏為奏請調補道員利益地方事竊照湖廣省城衝繁緊要今守道金祖誠以衰老乞休業經

題報在案查該道有稽查漢鎮沿江匪類并分守武漢黃三府整飭地方之責必得精明歷練之員庶能稱職近見上荆南道殷邦翰署理藩司印務辦事謹慎年富力強志圖上進現在清查藩庫錢糧竭力革除錮弊臣閱邸抄知該道已陞廣西通省鹽法蒼梧道若蒙

皇上特將該道調陞武昌守道不但衝繁要地得人且
藩司未清事務又可專候新任交盤而承審叅案
亦無瞻顧遲延之慮矣為此繕摺奏

聞伏乞

皇上聖裁謹

奏

殷邦翰乃淳親王包衣下人朕向不識其姓名御極之
後聞有論伊聲名佳者亦有論伊聲名劣者臧否不一

原欲調伊進京面加審定今汝既力為保薦諒必才具
優長但既有譏評不可不察伊或揜其不善而著其善
以來相欺亦未可知汝其留心詳加驗試如果其才可
用不妨將朕諭旨宣示勉伊砥礪上進當向伊云我今
將爾一力薦舉倘日後不符所薦有一毫不妥處我豈
肯被爾連累定當叅劾爾斷不可辜負我此番提拔之
意如此向伊諄諄言之人孰無良自當奮勉做好官矣
殷邦翰免其來京引見照爾所請調補武昌守道可也

特諭

雍正元年六月初二日湖廣總督臣楊宗仁謹

奏為奏

聞事竊本年六月初一日彝陵鎮臣劉業溥

陞見回任到省臣隨接見該鎮敬聞

皇上聖躬嘉泰甚慰微臣犬馬戀

主之忱復據鎮臣轉傳勉勵文武臣工之

上諭臣謹銘刻於心務期實力奉行為此繕摺謹

奏

朕觀劉業溥不過尋常樸實之人而已爾以為何如至其料理營伍及操守若何之處亦未深悉

再爾奏鹽價一事極為詳備摺暫留覽具題到日有旨
雍正元年六月二十七日湖廣總督臣楊宗仁謹
奏為叩謝

天恩恭繳

御批原摺事本年六月二十三日臣齋摺家人回楚仰

蒙

皇上念臣犬馬微軀

特遣醫官前來看視臣隨出郭迎請

聖安復率各官跪聽醫官趙士英口宣

皇上諭旨并領受

密旨訖竊臣胸膈不舒已將兩月因湖廣並無明理醫
生臣亦不敢妄投藥餌僅自按病由考閱方書畧
加調劑幸而病不增劇惟常頭暈結燥至辦理一

切事務精神猶覺勉強如舊也今蒙

皇上殊恩特賜臣子楊文乾按察使職銜乘驛來楚
賞隨臣任終養又恐臣子不知情由或致驚疑

特頒諭旨並錄臣摺示知

聖恩曲全無微不至臣於聞

命之下惟有涕泣叩頭而已從此日荷醫官調攝胸膈

開舒則全愈之功諒可計日而收矣再張聖弼虧
若論首惡以滿丕為第一伊之虧欠絲毫亦不可為之
空侵銷二案現據供吐滿丕張連登各皆朋比知

隱飾

開銷豈宜將百姓脂膏代填貪項新任官更不應

情統俟撫臣親審著落追賠至於各省地方均關

代舊

官完補虧空也內惟張連登尚可姑恕王之樞滿

緊要臣嗣後凜遵

王等實罪不容誅之人質審時如須伊等到案當具題

諭旨不敢於隔省

請發候飭部拏解發往

題請用人或有好官彼省督撫不加褒獎不行薦擢

者另行遵

旨密奏為此具摺叩謝

天恩謹

奏

所奏俱悉

同日又

奏為奏

聞事本年六月初六日新任糧道郭維新到楚口傳

皇上諭旨臣敬謹跪聆竊照撫臣納齊喀自三月十五日
到任以來小心辦事頗礪廉隅亦無瑕疵可指
如果歷久不渝洵無負

皇上特簡設或改易臣即據實上

聞為此具摺謹

奏

知道了朕簡任封疆大吏所望者無負朕知而已果能如是復有何說乃求之而不得者也

同日又

奏為覆

旨事本年三月初四日准兵部咨開湖廣襄陽鎮前營遊擊員缺掣著候推遊擊郭鞏於二月初六日題

本初八日奉

旨郭鞏依擬用著行文湖廣總督俟郭鞏到任後如行走得好著留任如不能供職即具題革退等因欽此該臣查得遊擊郭鞏據報於四月十一日到任隨行該鎮確察郭鞏行走如何並令赴臣親試去後嗣經郭鞏赴臣考驗試得人材弓馬均在中平因據襄陽鎮臣萬際瑞咨呈該將到任已經一月有餘於汛防營務頗屬勤慎諳練等語應令郭鞏回

是

任管事除咨明兵部外理合具摺覆

旨謹

奏

凡百總宜一秉至公切毋阿順朕旨稍涉依違果係朕所真知灼見之事即已決斷處分不必訪詢於爾等矣嗣後遇朕凡有詢問惟以從公據實為期

雍正元年七月初九日湖廣總督臣楊宗仁謹

奏為奏請

聖裁事竊照湖北糧道與驛鹽道各有專司責任不便
歸併貽誤仰蒙

皇上洞燭臣謹遵

旨會同撫臣合詞具

題外查湖廣路處通衢驛鹽道員實為緊要必須強
幹廉潔者方克勝任臣前委令漢陽府知府柳國
勲署理驛鹽道務頗能自礪廉隅而且留心剔弊
如蒙

皇上將柳國勲

特授湖北鹽驛道實屬人地相宜再查漢陽一府五方

雜處奸宄易藏亦得練達之員以資彈壓臣見黃

州府同知郭朝祚年富力彊辦事慎密勤敏如蒙

皇上將郭朝祚

特陞漢陽府知府實屬有益地方臣謹密奏請

具題到部議覆時照爾所請補授
旨倘蒙

恩允則湖廣大小臣工靡不鼓舞感激共知勉勵如伊

此一著最為要緊

等嗣後改操臣亦斷不敢姑容自干罪譴為此繕

摺奏

聞伏乞

睿鑒謹

奏

覽

雍正元年七月二十五日湖廣總督臣楊宗仁謹

奏為覆

旨事竊臣前因武昌守道缺出密奏請

旨將上荆南道殷邦翰就近調補蒙

皇上特恩允臣所請伏讀

諭旨備極詳明臣數月以來細察該道人才雖不超格
然肯竭力除弊勉尚廉隅臣隨傳到該道宣讀

聖旨即據該道叩頭奏稱臣殷邦翰係淳親王包衣下
人蒙

聖祖仁皇帝特授外官自縣府

當曉渠云爾乃滿丕之流所卓異
任內皆得卓異歷陞今職

者公然出諸唇吻寧不可愧但奮志向後勉為良吏斯

毫無報答

可耳何必大言不慚
國恩之處今蒙

聖主不賜罷黜

特准總督保薦補授守道嗣後更當發憤勉做好官仰

報

聖主天恩涕泣求臣轉

奏微臣不敢壅於上

聞再查彞陵鎮臣劉業溥自臣到任該鎮即報起程

陛見廉察其從前操守居官總在平常謹飭一邊今聞

此論甚公與朕所見相合

陛見回任凜承

但能奮勉自勵即遠勝下愚不移之人矣

聖訓加意料理營伍所有公費空糧亦盡遵照召募頂

補臣復不時砥礪合并據實覆

奏伏乞

皇上睿鑒謹

奏

知道了湖廣營伍廢弛已久亟須操練爾其毋憚勞煩

留心訓飭督標撫標俱加意整頓方好

雍正元年八月二十五日湖廣總督臣楊宗仁謹
奏為恭請

聖裁事前奉

諭旨令臣保舉將備各官臣隨逐細察訪并親試人材
技勇除應舉應効並已蒙陞調懇請仍留原任者
另行繕疏具

題外竊照臣標中軍副將一官實屬全楚各鎮標觀

瞻所繫若非才技兼優者實難勝任今新調之馬
建邦未必即能赴任要缺殊難久懸再新陞鄖陽
協副將穆廷弼現經浙江提臣

題留在浙查鄖陽界連陝西為荆襄上游門戶該副
將亦係要缺又武昌叅將一缺水陸汛守俱關緊
要省城九門鎖鑰責任匪輕臣謹仰懇

聖恩將岳州城守營叅將李登雲陞補臣標中軍副將
均房營叅將周一德陞補鄖陽協副將鎮筵中軍

遊擊張自奇陞補武昌城守營叅將洵屬人地相
宜如蒙

皇上允臣所請懇將岳州城守營叅將均房營叅將鎮
草鎮中軍遊擊并陞補各缺

命臣於將備中保

題陞補庶全楚各營武職靡不鼓舞奮勵爭自濯磨
力圖効用於

盛世矣為此繕摺恭

奏伏乞

皇上睿鑒謹

奏

朕於前月初八日將各省題到將備等員缺業俱按缺補授頗皆人地相宜今不便據爾此奏又復更易候再有缺出另摺奏請抑或俟新授該員等到任後量其材之長短於爾本省內調補俱可

再爾所奏顏光昨等三人之摺留覽

雍正元年九月初四日湖廣總督臣楊宗仁謹

奏為恭請

殊為從來未有之奇談

聖恩欽定鹽價下慰商民仰望事竊照鹽臣謝賜履

題請加增鹽價一案臣准部咨有務照原行會議具
題之語查鹽臣原摺但懇每包加價一二分此內
仍應減去裁革之陋規六釐今部文又有從前自
二分五釐至三分之價值似與原行未合誠恐鹽
臣偏袒復欲照部議以二分五釐至三分減去六

釐為準所以臣先遵

旨題覆以省往返會商稽延時日況商民皆係

朝廷赤子無一不在

聖主懷保之中所有應增鹽價伏祈

欽定使商民咸知裕商便民之

恩出自

皇上自無不踴躍樂從頂戴

高厚於無既矣為此謹

奏

爾於此一事料理之處甚屬糊塗朕念鹽法有關商民重務原諭爾同鹽臣謝賜履會議具奏乃竟不遵旨會商任意妄奏何耶夫民乃朕之赤子商亦朕之民也爾身為地方大吏不思兩便商民兼籌國課置一切於膜外惟欲沽一己之虛名事至窒礙不能通行猶不悔艾日前偏見反祈朕欽定鹽價鹵莽無知莫此為甚爾試捫心自問受朕優渥之恩而如此報効王臣匪躬之節

寧如是乎抑或病久智昏自不覺知耶速速遵諭與鹽臣詳議妥確具奏倘仍前偏執已見致令膠固難行及或為粉飾文過之舉定當從重戒懲決不輕貸

一全楚之兵丁宜恤也臣路經湖廣地方德安武昌漢陽岳州長沙衡州永州皆必由之地留心體訪大抵楚兵多驕而貧而湖南為甚武弁既扣剋兵餉即不能勤於訓練任其惰慢且塘兵甚少必有虛冒之弊如洞庭湖近三百里岸

塘寥寥無幾商賈多盜賊之虞似宜

嚴勅提鎮足額足餉支散錢糧必文官眼同出結則
兵不缺額而訓練加勤矣

有人條奏營兵積弊爾其悉心剔除實力整飭

雍正元年九月十五日湖廣總督臣楊宗仁謹

奏為奏

聞事竊照湖廣各標營將卒驕惰積習久沿因有公費
空糧所以疎於訓練臣自蒞任即經察悉弊端業

將一切虛冒名糧共四百五十二分徹底清出盡
選精壯頂補在案臣現陸續調到各營將備考驗
面加戒諭靡不頂戴

聖恩力圖砥礪如敢仍蹈前轍一經察出立即

如此方好
題

參臣斷不敢姑容貽誤至於塘兵甚少之處非盡

由虛冒使然如武昌城守營額兵共止六百有零
除看守省城九門防護庫獄送餉解犯并分發各
縣防守城池外輪值塘汛原無多人臣今遵

旨留心料理總視塘汛之衝僻險要斟酌增添策應保
固地方仍不時訪察密令文官於散餉之際留心
稽察出結嚴飭將備勤於訓練以上副

聖懷所奉

諭旨臣謹恭繳伏乞

皇上睿照謹

奏

爾等封疆大吏之任固在進賢須知退不肖更為要務

武弁固宜嚴飭文員更當糾叅若姑容一日則吾民一日在湯火之中思及此亦何忍因循貽患或有藉口惜人功名而冒居長厚安靜之稱者乃朕所不解也總之戎政吏治全賴激揚賞罰以為勸懲朕所以諄諄向爾等誥誡不已但盡期公平得當為尤難耳

同日又

奏為恭繳

密諭事竊照設立社倉實係美政若行之稍不得法即

至貽累閭閻此中公私利弊均在

聖明洞照之中但講究舉行必須與司道府州縣各官

徐為訂議籌畫務求至當庶可試近達遠容臣與

是極

如此方合朕意

撫臣商酌萬全實力舉行外至清靖盜源稽察窩

賭窩逃法莫善於力行保甲臣自到任後即將編

查之法備敘六條通飭嚴革相沿陋弊令紳衿兵

役與齊民一體魚鱗挨編自衛衛人不許脫漏一

戶十戶共為一牌一戶稽查一日周而復始聯絡

守望百姓稱便現據陸續申報編成今蒙

皇上諭及獎勵教誨以示鼓舞實乃微臣愚昧所思慮
不到者誠恐各州縣奉行不得其法若遽調赴省
教誨或致貽悞地方臣今專委本管道員稽查如
有未盡合法之州縣即令指示照式編次擇其善
者遵

旨另予優獎理合奏

聞為此具摺敬繳

密諭謹

奏

此論甚好大凡舉行一法必示以勸懲方期有效耳
諭湖廣總督楊宗仁天下綠旗兵丁率十分中有二三
分空糧為專閫大臣及將弁等之所侵冒而老弱殘疾
不能騎射者復充當兵數徒令國家錢糧費於無用之
地夫武備關係重大不特緩急恃以為用弁藉以防緝
盜賊守護城汛各省大臣將弁每於兵內挑選隨丁一

無拘限今奉天等處將軍副都統官員俱令酌選數名著為定額其提督總兵以下等官亦宜照例酌定各於該管兵內查有不堪者亟應沙汰選擇年力精壯漢仗雄勇者頂補嗣後營伍騎射須時加操演火器營兵於春秋二季操演水師營兵勤於戰船操演其安營布陣進退作止之法務令精熟盔甲器械船隻等項務令堅固沿途守望烟墩之兵宜量增數名酌計幾墩共設一千把弁員輪流管轄督令不時稽察至山谷林麓近江

濱海險僻處所或有匪類潛藏亦未可定將叅遊以下
派委二員令其領兵四十名時往巡哨更須嚴飭所領
兵丁經過地方毋許騷擾兵丁內有實能効力弓馬嫻
熟者記錄其名遇有把總缺出即行補放以示鼓勵其
懶惰刁悍者嚴行責革以彰法紀至若士卒効力戎行
所希望者止把總一缺乃缺出不將漢仗雄勇實能効
力之人拔補每以提鎮將弁親隨之人或係同鄉戚屬
平時虛冒錢糧毫無勞績一遇缺出徇情納賄無論孩

童幼丁即行補放似此何以服士卒之心斯等情弊朕所深悉今限一年之內徹底改革迨至三年朕必遣廉明清正不徇情面之大臣密往訪察使爾等不及預防無從請託倘竟不遵諭旨仍不盡情改除致被察出定將該管大臣及將弁等官從重治罪凡爾封疆大吏各宜敬凜毋忽特諭

雍正元年十月十六日湖廣總督臣楊宗仁謹

奏為恭繳

上諭事竊照湖廣綠旗官兵從前各營原有公費空糧
侵冒情弊臣已竭力清查頂補老弱者亦即陸續
退換斷不肯使

國家錢糧費於無用之地查督撫提鎮四標營俱係
策應候援之兵平時更宜訓練精熟庶緩急有濟
奚容任意挑選多人跟隨即提鎮大員原有親丁
指使亦難聽其頻役士卒至於副叅以下各員管
轄之兵皆有城守分防撥護事件更無餘兵可以

挑選跟隨臣今遵

旨申飭革除錮弊務期營伍改觀以上副

聖懷至於盛甲器械船隻火器等項各令逐漸增飾務
使堅固整齊勤操熟練習成勁旅如臣標兵丁缺
出俱臣親自試驗技勇頂補並不混放家丁一名
食糧所有沿途塘汛并守望烟墩之處臣俱酌量
衝僻險要分撥兵丁增添防守仍令千把輪班管
轄稽巡至於千把乃武官進身之基如遇考補惟

秉至公臣斷不敢稍有偏私或以年紀幼小弓馬生疎者補放上負

皇上殷殷訓誨之至意再查湖廣與各省接壤并土苗連境之所頗多山林險僻地方恐有匪類潛藏亦未可定臣今就近分別飭令將備各帶兵四十名遊巡查緝嚴禁擾累百姓如奉行不善一經發覺立即據實

題叅臣亦斷不敢勤始怠終自干嚴譴所有原奉

上諭理合具摺恭繳謹

奏

類斯事務若仍偏執已見任意妄作反致生事有損無益必須通盤計算慎始慎終斟酌允妥然後施措可行則行如有不可行處將情由聲明具摺奏請務期實獲利濟真心為國宣猷但知有君而不知有身之人方克奏效非泛泛釣取虛名昧公私之義徇得失之途苟且阿從之巧宦所能辦集也敬慎為之尤須精勤毋怠

同日又

奏為奏

聞事竊照下荆南道趙弘恩因伊父負罪不敢居官詳

請退休業經臣會疏具

題今已遵

旨令到京引

見查趙弘恩於該道任內操守廉潔地方安堵自委臬

篆已逾半年審理事件平允得情今准部咨無日

不據士民環顧攀留羣情愛戴異口同聲臣理合
密為奏

聞如蒙

皇上察驗仍予居官可否將趙弘恩發回湖廣効力下
慰楚民翹望伏候

聖裁謹

奏

觀爾前此舉薦沈澄殊覺目力不甚精明極當勉自進

修深加造詣自古知人則哲勿易視之然明生於公要
非偏徇愛憎好勝任性者之所能須從根本上體察方
好

同日又

奏為欽承

聖訓據實自陳事竊照加增鹽價一案臣自接准部咨
應即公同鹽臣謝賜履會議具奏何得不自悔艾
仍執從前偏見鹵莽無知妄瀆

天聽實係微臣病昏所致今蒙

皇上殷殷訓誨伏念

果悔心之萌乎

聖主洪恩何等高厚

臣如此報効實屬辜負

皇上用臣

天恩跪讀

聖諭臣始恍然自悟偏執不通之罪譴難逭至於鹽價

自准部咨業經鹽臣遵依出示漢鎮現照部議發

賣已將兩月臣並不敢沽名另有異議合併陳明

臣今遵

旨速與鹽臣確議妥當具

奏外所有微臣凜奉

訓旨自知罪譴之處理合具摺奏

聞伏乞

皇上睿照謹

奏

天下督撫若皆似此不慎厥初動輒稱悞悞而悔悔而

改則朕一人曷勝其勞耶

諭湖廣總督楊宗仁凡為大臣者身任封疆重寄必當
和平詳慎曲體人情虛懷博詢以求適中庶於國計民
生稍有裨益上亦不負人主委任之恩爾自莅楚以來
一味偏執已見意氣自用即如米鹽為小民日用之需
須令商販流通市價均平閭閻始不受困今湖廣鹽觔
涌貴良由減價太過之所致也在爾意原欲利民而不
期病商乃致商運裹足不前衆口食淡是欲利民而民

轉受其困矣。咎將誰歸？至如楚地本產米之鄉，素為東南之所仰給。因爾禁米出境，以致川米亦不到楚，不但隣省價昂，而本省糧價亦致漸長。是爾之遏糴原欲封殖本境，而本境之民並未沾毫釐之益也。況隣省黔黎莫非朝廷赤子，大臣體國當以公溥為心，似此偏執褊狹殊屬不諳大體。朕知遇茲特明白訓諭，爾其速行改圖，務令販運流通，遠近民食有賴。特諭。

雍正元年十一月十七日湖廣總督臣楊宗仁謹

奏為凜遵

上諭繕摺覆

旨事竊臣接准兵部咨文封發

上諭一道到臣跪讀

聖訓諄切嚴明中臣隱病臣素性愚昧不諳大體仰蒙
皇上俯賜優容

特頒諭旨令臣改過

天恩高厚感激涕零伏思湖廣產米之地為東南所仰

給隣境黎民皆係

皇上赤子更當公溥為懷豈可偏私固執雖臣從前止
禁富戶囤積不期因此商販亦稀今奉

皇上訓示臣更悔悟惕凜加意飭令流通接濟隣省羣
黎以上副

皇上愛惠元元之至意理合繕摺覆

旨恭謝

天恩謹

奏

人非聖賢孰能無過即顏子亞聖祇以不貳過見稱亦未嘗竟免於過也但不可自恃小節小廉任性好勝則必致諸事阻礙物情不能通達聞爾素性尚氣大凡不審於理而易動聲色皆屬肝病由於血脈之偏天下愚不肖之流一切過不及之行為萬有不齊自我觀之莫非可憐之人可笑之具何以忿怒為哉過不能忍時自覺是病則胸中渙然消釋矣凡事宜以和平謙虛為主

體物之性順事之理當寬而寬非我有意寬之也當嚴而嚴非我有意嚴之也苟任一己血氣之性自信不疑嘉謀何由得聞膏澤何能遠布爾等節制一方不比朕為天下臣民之主人或懷殺身成仁之心猶肯面折廷諍以獻可替否冀不失身後之名於爾督撫大吏前何故為此無名直諫徒干爾之威以賈目前實禍耶謙恭下問尚恐不能得人真心實語若乃剛愎自用則通省屬員不過袖手側目旁觀冷笑而已於爾之政績及朕

之封疆亦何益之有勉之戒之和平謙虛四字當畢世誦之無斁則終始邀眷不盡也

同日又

奏為奏

聞事竊臣身受

皇上厚恩不能報稱擅以鹽價細事瀆

奏實負職守今蒙

皇上欽差部臣黃叔琳到楚臣即出郭迎請

聖安跪聽傳宣

諭旨戰慄惶悚負慚無地除鹽價業經部臣與臣同鹽

臣會議妥確公同具

題外又據部臣黃叔琳傳宣

上諭國家最重倉儲粟米當加謹積貯吏治有關民生
劣員須不時查叅欽此臣凜遵

聖諭立即會同湖北撫臣納齊喀湖南撫臣魏廷珍確
察現貯穀米在倉外其餘凡有存價在庫者俱令

不可因循姑息亦不可迫促嚴急凡事循序漸進行久
不倦勒限作速購買補倉仍密委幹員猝臨盤驗若敢
玩違或別有虧缺情弊另行叅

奏至於湖廣大小各官從前賢否優劣均邀

聖明洞鑒復蒙

皇上特頒諭旨訓誡諄嚴

聖治聿新咸知儆惕查有難以姑容如湖北布政司糧
道武昌守道漢陽等州縣湖南之寶慶府常德府
通判武岡等州縣俱經臣與兩省撫臣陸續

題叅在案此外雖有平常之員因現在各官俱編查
屬員中有可以造就者仍策勵之叅劾不可過嚴總以
保甲勸舉社倉料理塘汛催徵漕糧均關地方要
公平為主方是即將揀選人員發來亦未必保其盡優
緊事務無可遴委兼攝署理所以暫為寬假伏候
若因此將現在之員無辜糾彈殊失中正之道朕於此
皇上揀選人員飭發到楚庶署理有員
並無適莫惟冀爾等能勉一是字則符朕意矣
題叅更換不致貽誤再查湖北按察司員缺將及一
聞蔡起俊為鹽務稽延想此時已到楚矣斯人乃一幹
年蔡起俊尚無到任實信理合奏
員操守一節爾須留意試用於其到任後審觀明白據
聞惟是微臣愚昧無知辦事偏執總因未受
實奏聞
皇上上面訓所以識見淺陋伏乞

皇上允臣題請

陞見俯遂微臣犬馬戀

主瞻

天仰

聖之願為此繕摺請

旨謹

奏

陞見且可不必至應來時候朕降諭於爾

雍正元年十二月初三日湖廣總督臣楊宗仁謹
奏為恭謝

天恩事竊臣子楊文乾

陞見謝

恩回楚敬述

皇上聖訓微臣跪聽之下涕泣感激刻骨銘心惟有追
悔過誤於已往愈勵勤慎於將來誓竭愚誠上報
聖主洪恩而已臣謹率同臣子望

闕叩頭謝

恩為此繕摺謹

奏

知道了和平二字為汝對病之藥當拳拳服膺然知和而和不以禮節之亦不可行也

雍正二年正月十九日湖廣總督臣楊宗仁謹

奏為奏

聞事竊照西藏撤回甲兵於雍正二年正月十七日到

滿洲大臣中似此顧惜體面者頗為難得可惜年近桑
武昌副都統臣吳納哈約束謹飭沿途安靜隨即
愉矣

據報前行矣至於舉行社倉一事臣奉

諭旨即與各官加意講求特立條約六條先為擇地建
倉然後勸捐穀本出納聽民自主不許官吏會計
侵肥。遍示曉諭并立獎掖尚義之典。今士民咸知
原為伊等思患預防而有司皆能實力勸化共捐
穀本踴躍爭先現據江夏武昌蒲圻咸寧等二十
州縣各報建倉每州縣三五十所不等約共勸捐

穀本將及三十萬石看此民情喜悅效驗已著今
臣又傳湖南各官面令循照湖北已成之法施行
再稽數月統俟所屬報齊之日另行奏

聞伏乞

皇上睿鑒謹

奏

據奏社倉一事朕深為欣悅於各省中爾先成創始之
功殊可褒嘉勉之惟當嚴飭官吏不得干涉致滋擾累

一聽百姓自為方好

同日又

奏為叩謝

聖訓敬繳

硃批事竊臣頑鈍無知今蒙我

皇上諄諄訓諭昭若發蒙臣惟朝夕敬誦

天言時時儆惕以期省愆改過皆出

聖主鴻慈所造就也但臣感激

服善改過為古人之所難非有希聖希賢之志者不能
聖恩無可圖報惟有益堅和而不同始終勤慎之志以
毋視為易事

上答

蔡起俊原不患其無才但恐才勝於德耳當留心密觀
天恩而已湖北按察使蔡起俊於去年十二月十五日
其行止

已經到任觀伊言詞明白人亦去得其操守辦事

如何容臣察確另行奏

聞為此具摺敬繳

硃批伏乞

皇上睿照謹

奏

覽

雍正二年四月十三日湖廣總督臣楊宗仁謹

奏為奏

聞事竊照湖廣地方凡有布種二麥之處粒穗茂實大有收成至於分數容俟登場另摺奏

聞今年秋收之後社倉皆可告成仰賴我

皇上訓諭諄切區畫周詳從此民間各有預備豐歉無

虞咸感戴

天恩於無既也臣數月以來細觀按察使蔡起俊勉力辦事舉動平穩至於操守尚未露有圭角後或稍涉營私臣斷不敢徇隱為此具摺奏

聞謹

奏

社倉一事朕經諄諄告誡聽民自為嚴飭屬員毋稍催迫近聞百姓因此胥含怨懷懼爾欲速成其事以邀嘉

獎其如功不掩過何前已有諭旨申飭爾可會同兩撫
嚴查不肖有司之欺飾逢迎者并明白曉諭安慰閭閻
小民以釋其疑務令知原為百姓防患起見並非為倉
穀舉行也即將來出舊入新總宜聽民自便若立法不
善致被官吏土豪之所侵蝕又復苦累窮黎賠補則不
但非久遠善政即目前暫時亦不可行今當謀始之際
必其難其慎克勤克公行一兩年使百姓曉然領會踴
躍樂從方可期望後效輸納之時縱有些微缺少但向

侵蝕之官吏土豪取償以示罰懲切毋逼勒百姓照數賠足致令嗟怨於道路也爾因此事近日聲名不好知之

諭湖廣總督楊宗仁湖北巡撫納齊喀湖南巡撫魏廷珍等凡為封疆大吏者貴學古尤貴通今能安民方能裕國經濟之術烏可不講朕念爾楚省地方遼濶戶口滋繁而恒產有限民食維艱間有殷實之家亦不過僅自溫飽而已求其急公尚義賑災恤隣者前此未之或

聞所以國家設立常平諸倉蓄穀積粟不容一日少緩也又念官倉關係考成有司安敢擅動偶逢旱澇詳報踏勘往返察驗未免後時古人云備荒之倉莫便於近民而近民則莫便於社倉前密諭爾等勸導建設蓋專為安民起見非謂官倉穀少欲假此儲蓄以誇張富有也爾等領會朕意自應轉諭屬員體訪各邑士民中家道素豐有急公尚義之心者使主其事果掌管得人出納無弊行之日久穀數自增至於勸捐之時須俟年歲

豐熟輸將之數宜隨民力多寡利息之入務從乎輕取
償之期務從乎緩如值連年歉收即予展限令至豐歲
完納必遇有奸頑之徒立意刁抗者然後從而懲創之
以杜絕諸弊護衛良法外此一切條約有司毋得干預
至行有成效積穀漸多該督撫亦止可具摺奏聞不宜
造冊題報使社倉頓成官倉貽後日官民之累朕初意
欲如此耳孰料該督望影揣情而又欲速不達令各州
縣應輸正賦一兩者納社倉穀一石且以貯穀之多少

定牧令之殿最近聞楚省穀石現價四五錢不等是何異於一兩正賦外收加四五錢火耗耶是為裕國乎抑為安民乎無乃學古而不通今之咎歟楊宗仁初舉穀然未嘗不好一旦銳意欲速而屬員又奉行不善其流弊遂至於此也在楊宗仁之病惟尚氣自用而魏廷珍納齊喀所短又在阿順曲從夫豈朕所望於爾等清忠報國之意耶諭到該督撫速會同司道府等官確商妥議務得可以安民裕國經久之法以副朕委任至意特

諭

雍正二年閏四月二十二日湖廣總督臣楊宗仁

謹

奏為奏

聞事本年閏四月十一日據駐京提塘承領

內廷交出報匣一個齎發到臣臣隨知會湖北撫臣

納齊喀公同跪拆敬讀

諭旨復即差員恭捧

上諭轉送湖南撫臣魏廷珍接受開讀齋回竊照社倉
一事臣前面與各官籌畫咨商撫臣舉行出納聽
民自主不許官吏會計侵肥羣情踴躍俱樂捐輸
穀本續據各屬報稱所捐之穀應俟秋收貯倉臣
皆聽從民便查有尚義多捐穀本之人分別獎勵
實無勒派按照完糧一兩者務貯社倉穀一石之
事撫司道府衙門各可稽查非臣敢有蒙蔽

皇上聖聰之處也誠恐僻遠州縣無富室可勸或衿士

議有田土之家普捐些微亦未可定但臣身受

皇上殊恩惟有竭誠辦理地方事務如臣有尚氣擅專
及將社倉令照完錢糧一兩勒派穀一石之事臣
不敢飾詞兩省撫臣自各有密

奏至於安民裕

國可以經久之法微臣凜遵

諭旨與兩省撫臣司道府各官商酌施行以期仰副我
皇上愛民之至意為此繕摺敬繳原頒

上諭伏乞

睿鑒謹

奏

如果所行不謬朕自能照悉無庸爾奏辯也

同日又

奏為欽奉

上諭事竊照勸舉社倉原為百姓預備永遠積貯之計

出納總聽民便不許官吏經手侵肥但經營伊始

必須創立規模臣實愚昧因見本年楚省各屬二
麥豐收原欲趁此機會勸捐以成根基今蒙

皇上明照萬里誠恐小民疑懼畏慮

特賜諄諄訓誡

睿鑒無微不燭臣俯首服膺惶悚無地臣今凜遵

諭旨現與兩省撫臣暨司道確商曉諭寬緩並嚴查欺
飾逢迎不肖各官徐圖經久良法以仰副我

皇上子惠元元之至意所有奉到

硃批原摺理合恭繳謹

奏

知道了凡為大吏者須廣耳目勤訪察始不被屬員之所欺蔽也

同日又

奏為奏

聞事竊照湖廣全省地方仰蒙

皇上福庇雨水得時禾苗俱已栽插湖北二麥收成俱

有九分十分武漢米價每石九錢五分各府米價
每石自八錢至一兩一錢有零不等湖南二麥收
成各計八九分長沙米價每石八錢七分各府米
價每石自七錢至一兩有零不等凡有可以種植
之處現在遵

旨督率屬員遍為勸課仰慰

皇上重農務本

聖懷所有二麥收成并禾苗已蒔緣由理合奏

聞謹

奏

閱奏大慰朕懷北五省今歲苗稼亦好目下時雨溥遍
秋收可望但數處間有蝗蝻起發朕殊為此廛念耳

同日又

奏為披瀝陳情仰干

天聽事竊臣蒙

皇上拔於衆人之中

特畀湖廣總督重任

殊恩疊沛

聖澤彌深即捐糜頂踵亦難言報前遣臣子楊文乾赴

京恭領

諭祭隨即詣

闕謝

恩欽奉

皇上訓旨諄諄臣子回楚敬宣

上諭臣於跪聆之下感激惶悚涕泗交流伏念微臣賦性愚拙從前實多偏執自蒙

皇上屢次明示如夢初醒惟有洗心滌慮盡改前非凜遵中正和平

聖諭自省過愆愈加勤慎以仰報

聖主洪恩於萬一為此披瀝下情繕摺奏

聞伏乞

睿鑒謹

奏

過而能改則無過矣但須真心服善時加警省自然受益所以謙卦六爻皆吉也

諭湖廣總督楊宗仁朕惟安良莫如除莠扶正必先黜邪向有清淨無為白蓮羅門等教妄立名號誑誘癡迷假因果之說飾詭異之跡夜聚曉散男女混雜黠者同聲相和愚者罔識其非爭趨崇奉黨類潛滋妨耕廢織莫此為甚除他省朕經再三飭諭搜捕剷除聞爾楚省

似此奸徒亦復不少爾其飭行所屬各員密訪渠魁嚴拏究懲化導脇從去邪返正務令妖萌盡淨陰翳全消風俗人心咸歸良善但須密加偵伺設法緝擒如得元惡酬以重賞有能出首者概予從寬切戒無知屬員急遽聲揚擾民駭衆致生事端則非徒無益而有害也慎之密之

一苗疆之積弊不可以因循也鎮筸一隅紅苗雜處自康熙四十二年勦撫之後固已向化輸

糧但其性頑蠢不馴每年猶有捉人勒贖之事
營員恐干嚴例匿不申報又慮被捉之家不能
隱默只得公空兵糧若干名以為贖人之費夫
兵以防苗糧以養兵而乃以糧為彌縫苗患之
具相沿日久羣苗益無忌憚臣竊以為經制之
名糧亟宜充補足額其在汎地官弁於近苗界
址實力巡查毋得偷安怠玩希圖事後補苴遇
有頑苗捉人等事責令百戶寨長拏獲正身解

赴鎮筵文武衙門會同審供詳報從重治罪又
於一歲之中嚴加考核即以地方之有無失事
定各汎之居官優劣則一二頑苗知有

朝廷之法紀官弁亦知勸懲而邊民永享太平之樂
矣

閱條奏內有此一款殊可詫異但未知果否虛實爾與
撫臣會商確查如所言不謬爾等悉心計畫以聞若所
言荒唐爾亦據實奏覆

雍正二年六月二十五日湖廣總督臣楊宗仁謹
奏為欽奉

上諭恭繳

硃批事竊照楚人浮躁輕剽性多詭詐每尚師巫邪教
欺衆惑民今蒙

皇上洞見萬里

特頒諭旨指示周詳民情奸偽與綏戢緩急無一不在
聖明照鑒之中本年四月內荊州府屬之遠安縣有匪

類郭姓改名朱桃紅詭稱法術能治疾病捏造妖言名號誘騙幼女二名藏匿山崗欺誑鄉愚即被出首到官該縣立即拏獲稟報到臣查該犯並未

彼時

招聚多人臣當與撫臣商量復知會提臣諭令文武將首犯即於本處重懲示衆另有四五為從匪

即應奏明何必隱諱

徒各予枷責再漢口地方亦有游手棍徒私斂衆戶錢財舉迎天符會名色爭勝逞強囂風漸染臣與撫臣訪知嚴禁其餘或有未發者不便急遽滋

是

擾惟飭各屬力行保甲彼此稽查若有奸匪立時
首報庶可消弭患害於初萌而冀徐圖實效於事
後也再查鎮算紅苗挾仇伏草捉人索取本家銀
錢勒贖每見案牘非屬無因一有發覺務飭嚴督
文武協力併擒或令帶兵遊巡追回拏獲頑苗審
究實無武官虛冒兵糧存充贖人費用之事但臣
誠恐耳目或有未周現在遵

旨知會湖南撫臣如有因時制宜之處另行悉心籌畫

奏

聞理合具摺敬繳

上諭并奉發

硃批條陳伏乞

皇上睿鑒謹

奏

與新任撫臣王朝恩會商將類此等事盡情糾剔務令
潔清不得絲毫朦隱地方上之為民害者不除則利益

何由而振興耶勉之

同日又

奏為奏

聞事竊照湖廣地方入夏以來連得澍雨早稻俱已登
場湖北收成共計七八九分不等武漢米價每石
九錢八分各屬米價自七錢五六分至八九錢一
兩一錢不等五月二十三等日鄖襄連日雷雨
山水陡發沿江十三州縣堤壩多被漫溢據報臣

即飛督管堤各官搶築保護撫臣現在委員查勘
先行

題報湖南早稻收成共計七八九分不等各屬米石
據布政司朱綱報稱自六錢四五分至八錢七八
分不等理合繕摺奏

聞謹

奏

知道了溝渠堤塍防護於平時何有意外之虞耶堤防

不固流通不暢則啟閉失宜蓄洩不得其利於小民耕
溉諸事大有妨礙此皆爾等封疆大吏素不悉心籌畫
之故閒時置於膜外陡遇水發所以束手無策也若能
以國計民生諄諄在念早應誠感

上蒼垂佑類斯災青潛消默化亦不可知今值

上天示警垂戒當竭誠修省地方中一切政治并已之存
心敬謹凜惕亟圖遷改庶幾免將來之譴責朕所諭之
理可以立竿見影莫作杳渺無憑視之勉之毋忽

同日又

奏為奏

聞事竊照湖北按察使蔡起俊前未赴任時臣於去年

十一月內具摺

奏明奉

硃批令臣於其操守留心試看嗣該司於十二月十五

日到任續具摺

奏復奉

硃批令臣留心觀其行止臣查蔡起俊到任已逾半年
初則居官黽勉圭角未露近來辦事駁雜喜於濫
准詞狀臣隨留心密察有潘大生控告鹽商方能
潔指價毆父一案該司受銀一千兩准其和息又
張聖弼案內口袋變價牽連鹽商程隣張前經兩
司審明無涉省釋去後蔡起俊復行差拘司役勒
詐銀八十兩該司隨將程隣張釋放看來操守平
常理合密摺奏

聞伏乞

皇上睿鑒謹

奏

據奏已悉此人操守朕原信伊不及亦可謂愚昧性成
難以化導者矣隨另有旨調伊進京

雍正二年八月初八日湖廣總督臣楊宗仁謹

奏為欽奉

硃批恭繳原摺事竊照湖廣沿江各州縣居民田廬全

賴堤塍為之保障每年歲脩司堤各官催督百姓
加築護衛不虞今夏襄水漫溢致有殘缺衝損實
由臣等平日疎忽之愆仰蒙

皇上燭照萬里

指示周詳臣惟凜遵

聖訓俟秋收農隙會同撫臣納齊喀并該管道員督率

司堤各官用心加高堅築穩固以上慰

實心督令竭力料理庶幾有濟
聖主念切民生之至意湖南撫臣王朝恩到任在即所

金匱要略卷四
有地方一切應行事宜臣謹遵

旨與撫臣確商辦理不敢貽誤為此具摺奏

聞敬繳

硃批原摺伏乞

皇上睿鑒謹

奏

知道了湖南不法刁惡之風亟當留心設法務令革除
但不可急暴激出事端亦不可姑息馴致釀成大患須

因時相機慎終惟始通盤計算透徹而行方好若似勒減鹽價遏糴等事任性膠固途窮始返則此非臣本庸愚痛自改悔之事也慎為之

雍正二年九月初一日湖廣總督臣楊宗仁謹

奏為奏

聞事竊照湖廣地方交秋以來雨暘時若中晚二稻現在收穫登場湖北年成各屬統計七八九分不等武漢米價每石九錢五分各屬米價每石自八錢

五分至一兩一錢不等湖南中晚二稻收成共計
七八九分不等各屬米價每石自六錢七八分至
九錢八九分不等惟湖北沔陽天門潛江江陵四
州縣沿江受水之鄉各令補種雜糧以資接濟事
關地方收穫情形理合繕摺奏

聞謹

奏

覽全楚收穫情形深慰朕懷更宜加勉吏治期以感召

天和

雍正二年十月二十日湖廣總督臣楊宗仁謹

奏為恭謝

天恩事雍正二年十月初十日據臣齎摺承差敬捧
欽賜哈密瓜一簍回楚臣隨出郭迎接至署望

闕叩頭謝

恩祇受訖竊臣口嘗異味心誌

聖恩圖報無由愈深凜惕臣不識何修仰沐如此

異數惟有竭誠黽勉吏治上報

聖主洪恩為此具摺奏

謝謹

奏

覽奏謝知道了

總兵董象台乃從前何天培力保之人朕見其身材雄壯年力富强因而錄用今歲張大有至京又再三保薦所以朕即超擢此任頃來京陛見應對之間朕審觀其

神氣大非端人亦甚糊塗且似愚而懷詐爾其加意訪
察試驗如有不妥處即行叅奏前此之保薦朕疑有別
故於其陞見時朕經面加教訓伊若知凜畏敬慎遵奉
猶可令其供職否則不可姑留

同日又

奏為欽奉

上諭事竊臣准戶部咨文內開雍正二年九月二十二
日奏事雙全等捧出

硃批諭旨因浙江江南沿海地方七月十八九等日海潮泛溢近海田禾不無損壞

皇上軫念災黎嚴飭兩省督撫發倉賑濟又慮杭嘉蘇松等府人稠地狹出米無多

命臣速動司庫銀兩買米十萬石選委廉幹賢員陸續押送浙江交撫臣平糶所糶之銀仍移還補庫其米應於何處交卸即咨會浙撫酌議速行等因到臣臣即遵

諭旨飛速咨會浙江撫臣并選委漢陽府知府郭朝祚
承領湖北司庫銀兩照時價採買米石料理船隻
裝載陸續報運起程以副

皇上念切民瘼之至意查浙江客商來楚糴販俱係熟
米今臣亦照商販之式令委官採辦熟米使小民
得米即可炊爨現今買就上熟次熟通行三樣熟
米共三萬石先令起運餘亦陸續買齊催趲接濟
除押運起程日期另疏

題報外所有微臣遵

旨買米陸續報解緣由理合繕摺奏

聞恭慰

聖懷謹

奏

覽奏運送浙江平糶米石料理甚屬妥協

同日又

奏為奏

聞事雍正二年九月十六日湖北糧道王承烈到任捧

齋

皇上發給條陳二摺據稱奉

旨交與總督巡撫並轉發湖南巡撫將其中應當施行
或有未便施行之處俱詳悉斟酌回奏欽此又稱奉
旨湖廣一切有關係事件督撫未經奏聞之處大槩伊
等有惟恐朕過於煩勞之意但朕實不憚煩勞愈多
愈好欽此臣隨將條陳二摺知會護理湖南巡撫印

務布政使朱綱俟新撫臣王朝恩到任轉交一體
欽遵外臣查安仁縣知縣田仁虧空庫銀一萬二
千餘兩於被叅摘印之日因素有賒欠舖戶賬目
未清衆人見其離任擁擠索討羣相爭鬧而田仁
自知虧空難掩希圖乘機誣害捏稱銀櫃被搶等
語聽幕客張寶三為之主文誘勒典史王治為之
申報據報當即專委耒陽縣前往查勘銀櫃封貯
宛然並無打破損失形跡搶毀

聖訓均屬捏誣續據典史即將做就文書勒令申報實情供首明白因田仁幕客并家人等脫逃未獲疊經駁飭緝拘審究並非百姓結黨妄行所以未敢朦混具

題至於邊苗地方督令各州縣一體清編保甲稽查嚴密武弁不時遊巡間有苗性難馴或挾隙伏草報仇行竊一經發覺即令文武協緝追擒是命是盜審確逐案報叅臣總不敢諱縱貽患惟有凜遵

諭旨通盤計算慎始慮終務期民苗安帖以上副

聖懷今新撫臣王朝恩於十月初一日已經到任諸事

遵

旨會議商酌而行所有奉發條陳二摺理合恭繳謹

奏

朕凡有所聞不遽信以為真必皆一一諭問爾等但須據實回奏朕得洞悉其由無稽之言原不足為準也

雍正二年十一月十五日湖廣總督臣楊宗仁謹

奏為欽奉

上諭事竊臣准戶部咨文奉

上諭勅臣動司庫銀兩買米十萬石委員陸續送交浙江巡撫平糶等因欽此臣即遵

旨選委漢陽府知府郭朝祚承領庫銀照市價採買於十月二十五日先買就米三萬石裝載起程又於十一月初四日買就米四萬石續運前往俱經

題報在案今又買就米三萬石連前共足十萬石之

數於本月十六日委員管押起程目下武漢地方
米糧充足市價並不增長合併陳明上慰
聖懷除買米價值水腳動用庫銀數目另行

題報咨部移催浙江撫臣照還補庫外所有遵

旨買米十萬石三次陸續報解全完緣由理合奏

聞謹

奏

據奏運浙米石全完知道了

年羹堯何如人也。就爾所知據實奏聞。純之一字可許之乎。否耶。密之。

諭湖廣總督楊宗仁。爾楚省洞庭一湖居湖南之首而接界於湖北。實為全楚要地。水勢浩瀚。島嶼滌紆。舟楫所經。慮叢姦宄。朕披覽輿圖。詳察形勢。知其入口之處。東有湘江由長沙入。西有沅江由常德入。而皆北出於岳州。以合岷江。此三處俱係洞庭咽喉。今常德岳州俱設有水師守汛。朕意若於長沙湘陰地方調撥附近兵。

弁添設一營共為犄角之勢令三營各駕小船往來遊
巡防範姦宄如遇風濤陡發亦可救濟商旅似於地方
有益爾其會集該屬詳議具奏假若添設營汛或另有
不便之處亦即聲明奏覆特諭

雍正二年十二月初十日湖廣總督臣楊宗仁謹
奏為欽奉

上諭事雍正二年十月二十一日湖南撫臣王朝恩差
員恭捧

上諭一道到臣臣隨跪接開讀該臣看得洞庭一湖汪洋寬濶匯納諸流實為全楚最關緊要之區查常德在湖之西南岳州在湖之北從前於居中之龍陽縣設立洞庭一協駐防遊巡續經前任督臣丁思孔

題請常德添設水師守備一營又於岳州添設水師守備一營將各營戰船分配兵丁派於濱湖緊要處所分界巡防至於長沙府在大湖之東雖湘水

由彼而入並非濱臨險要可比此處現有長沙協鎮守是湖口已得防範之要領矣再查長沙府所屬之湘陰縣上接長沙界四十里下至岳州界一百二十里此處亦有長沙協專撥千總一員帶兵一百餘名沿江安設水塘一十二處防守巡查更有長岳接壤地方弁兵彼此聯絡會巡防範布置頗稱周密又湖南布政使朱綱設立救生漁船平日任其捕魚為業如遇風濤險惡即令往來救護

行旅分別賞格現在實力遵行今蒙我

皇上特頒諭旨應否於長沙湘陰地方添設水師令臣等詳議具奏臣因智識短淺深慮所見殊有未詳隨敬錄

上諭細與提臣魏經國撫臣王朝恩會商續准議覆僉云長沙有副將駐劄而湘陰亦有專委千總帶兵巡防復有各處水塘長沙湘陰地方似可無庸添設水師臣謹會同撫提二臣合詞具摺覆

旨伏乞

皇上睿鑒謹

奏

所見甚是原係可行可止之事所以與爾等商酌也

同日又

奏為奏

聞事該臣看得湖北糧道王承烈歷任已將三月隨事
辦理端重老成勵志要做好官仰報

皇上隆恩雖才非肆應而目下所居地位洵屬稱職相
宜也鎮筓總兵官董象台尚未到楚俟其赴任後
臣遵

旨逐細試看確察另行據實奏

聞謹

奏

知道了切毋稍涉迎合致有抱屈之人但務據實秉公
為是

雍正三年正月二十日湖廣總督臣楊宗仁謹

奏恭請

皇上聖安并叩謝

恩綸謹

奏

朕安爾子楊文乾乃中人以上材質令其勉力進修將來可成大器

同日又

奏為遵

旨奏

聞事竊臣回奏採買米石摺內奉到

硃批該臣看得大將軍公川陝督臣年羹堯特蒙

皇上簡拔節制九邊遣將發師皆遵

聖主密授方畧動出萬全膚功立奏如能不矜不伐謹

縱令

矜伐若爾等內外大小臣工能仰體朕心不阿從

慎自持赤心辦事上報

附和則朕之功臣終不至驕盈自恣有虧臣節也

主恩洵稱臣節無虧近代少與為匹至於純之一字惟

當推照於心因臣與羹堯宦途並未共事憶昔聚晤之時羹堯尚在內館肄業泛以親誼往來其心術未能深知所以純之一字臣實不敢浮誕敷陳自干欺誑理合據實回

奏再湖北撫臣納齊喀腹患瀉痢已將半年朝夕辨事並未倦怠但自入春以來身體頗覺羸瘦合併奏

聞伏乞

皇上睿鑒謹

奏

聞納齊喀抱病雖經遣醫前往調治但不知近日光景
若何朕甚為注念

雍正三年二月初七日湖廣總督臣楊宗仁謹

奏為恭謝

天恩事竊臣接到臣子楊文乾家信知於正月初九日
恩蒙

召見跪聆

聖訓仰承

欽賞又奉

旨楊文乾著實授河南布政使該部知道欽此臣隨恭
設香案望

闕叩頭謝

恩訖伏念臣父子均荷

皇上特恩不次超拔愧無寸長報効受

恩深重寢食靡寧即捐糜頂踵亦不足以仰報萬一臣
惟矢囑臣子楊文乾勉勵清勤力圖仰報

皇恩臣自病痊之後雖精神似覺如舊惟左耳塞蔽右
耳時或重聽顧此衰微之軀益當奮志自強以上
報

聖主千古隆遇為此具摺恭謝

天恩謹

奏

爾子楊文乾俗所謂跨竈子也朕深為爾慶喜之

雍正三年四月初九日湖廣總督臣楊宗仁謹

奏為奏

聞事竊照湖廣地方初夏時雨霑足早禾盡栽二麥徧

處豐收米價每石九錢五分臣恐上厯

聖念理合先行奏

聞恭慰

皇上睿懷謹

奏

覽奏大慰朕懷爾等封疆大臣於一切政治但務寬嚴相濟舒暢兵民之情自必蒙

上蒼垂佑此理毋視為杳渺難憑勉之

同日又

奏為恭謝

天恩事竊臣接准部咨隨即遵

旨暫行兼署湖北巡撫事務另行繕疏

題報外臣仰沐

皇恩深重自問圖報無由惟有竭盡心力料理地方政
務以期無忝職守再臣子楊文乾荷蒙

皇上寵眷實逾常格父子並沐

殊恩誠為千古隆遇臣惟刻刻諭囑臣子始終勤慎勉
竭駑駘仰報

聖恩於萬一為此繕摺奏

謝謹

奏

粵東懸缺一時難得勝任之人即又用爾子為廣撫矣

雍正三年六月十七日湖廣總督臣楊宗仁謹

奏為奏

聞事該臣看得鎮筸鎮總兵官董象台到任已經半年料理營伍亦無超羣異衆之處前據該鎮以前營遊擊楊凱熟悉苗情欲臣

題請調補中營等因咨呈到臣查鎮筸鎮中左右

前四營均有分管苗寨汛地楊凱前營所管之苗寨獨多既稱熟悉苗情似不便改調中營苗汛最少之處且新陞之中營遊擊朱國佐是否熟悉苗情尚未可知若令管理苗寨最多之汛措施殊欠持重臣實不敢草率

題請理合一併奏

聞謹

奏

知道了其操守行止再加察訪奏聞

同日又

奏為奏

聞事竊照湖廣地方仰蒙

皇上福庇雨水調勻早稻現經登場俱稱十分豐收即
素係瘠薄之區亦有八九分收成不等中晚二禾
甚是滋茂米價每石九錢五分臣恐上厓

聖念理合先行奏

聞恭慰

睿懷謹

奏

歲豐米賤大慰朕懷此皆卿等封疆大吏能體朕敬

天勤民之心敷布得宜之所致朕實欣喜之至

雍正三年六月二十四日湖廣總督臣楊宗仁謹

奏為奏

聞事竊照白鉛乃鼓鑄必需之物如地方果有出產應

聽開採實與窮民均有利益之事據商人范毓醵
等在戶部呈稱湖南郴州九架夾原有白鉛鑛砂
請照舊開採等因經部覆奉

旨依議行令湖南巡撫確查明白具

題前准撫臣王朝恩與臣會稿臣因細核部文原係
專令巡撫查覆未便註

題致與部文有背臣亦並無絲毫叅酌阻抑於其間
也臣子楊文乾傳宣

訓旨臣惟凜慎遵奉理合回

奏伏乞

皇上睿鑒謹

奏

所事朕恐爾有意見不同及與地方或有不便處因命爾子楊文乾過楚面詢今覽所奏已悉此亦緣王朝恩請罪之疏而起見也

硃批諭旨卷四